



00003

周禮

漢鄭康成注

唐陸德明音義

秋官司寇第五

惟王建國辨方正位體國經野設官分職以為民極乃立秋官司寇使帥其屬而掌邦禁以佐王刑邦國

禁所以防姦者也刑正人之濃孝經說曰刑者侷也過出罪施

刑音

刑官之屬大司寇卿一人小司寇中大夫二人士師下大夫四人

鄉士上士八人中士十有六人旅下士卅有二人

士察也主察獄訟之事者鄭司農說以論語曰柳下惠為士師

鄉士主六鄉之獄鄉音香

府六人史十有二人胥十有二人徒百有廿人

周禮

秋官

序官

遂士中士十有二人府六人史十有二人胥十有二人徒百有廿

人

遂士主六遂之獄者

縣士中士卅有二人府八人史十有六人胥十有六人徒百有六

十人

距王城三百里至四百里曰縣縣士主縣之獄者

方士中士十有六人府八人史十有六人胥十有六人徒百有六

十人

方士主四方都家之獄者

訝士中士八人府四人史八人胥八人徒八十人

訝迎也士官之迎四方賓客訝五嫁反

朝士中士六人府三人史六人胥六人徒六十人

朝士主外朝之灋朝直遙反卷內同

司民中士六人府三人史六人胥三人徒卅人

司民主民數

司刑中士二人府一人史二人胥二人徒卅人

司刺下士二人府一人史一人徒四人

刺殺也三訊罪定則殺之刺七賜反詠音信

司約下士二人府一人史一人徒四人

約言語之約束約劉於妙反音如完注同東劉詩樹反音如完

司盟下士二人府一人史一人徒四人

盟以約辭告神殺牲敵血明著其信也曲禮曰涖牲曰盟約於妙反敵所

洽反

職金上士二人下士四人府一人史四人胥八人徒六十八

周禮秋官

職主也

司厲下士二人史一人徒十有一人

犯政為惡曰厲厲士主盜賊之兵器及其奴者

犬人下士二人府一人史一人賈四人徒十六人賈音姦又音古

司圜中士六人下士十有一人府三人史六人胥十有六人徒百有六十人

鄭司農云圜謂圜土也圜土謂獄城也今獄城曰圜可圜職中

言凡圜土之刑人也以此知圜者謂圜土也又大司寇職曰以

圜土聚教罷民故司圜職曰掌收教罷民圜字權反罷音及下同

掌囚下士十有二人府六人史十有一人徒百有廿人

囚拘也主拘繫當刑殺之者

掌戮下士二人史一人徒十有二人

序官

二

戮猶辱也既斬殺又辱之

司隸中士二人下士十有二人府五人史十人胥廿八人徒二百人

隸給勞辱之役者漢始置司隸亦使將徒治道溝渠之役後稍尊之使主官府及近郡

罪隸百有廿人

盜賊之家為奴者

蠻隸百有廿人

征南夷所獲

閩隸百有廿人

閩南蠻之別又音文

夷隸百有廿人

征東夷所獲

周禮

秋官

序官

三

貉隸百有廿人

征東北夷所獲凡隸眾矣此其選以為役員其餘謂之隸民

孟

反百

布憲中士二人下士四人府二人史四人胥四人徒四十人

憲表也主表刑禁者

禁殺戮下士二人史一人徒十有二人

禁殺戮者禁民不得相殺戮

禁暴氏下士六人史三人胥六人徒六十人

野廬氏下士六人胥十有二人徒百有廿人

廬賓客行道所舍

蜡氏下士四人徒四十八人

蜡骨肉腐臭蠅蟲所蜡也月令曰掩骼埋骹此官之職也蜡讀

如狙司之狙。蟻清預反注同蠅以繩反幣吏曰反釋亡皆反本又作埋斲木又作齒似賜反。

雍氏下士二人徒八人。

雍謂隄防止水者也。雍於勇反劉如字注同隄丁兮反。

萍氏下士二人徒八人。

鄭司農云萍讀爲蜚或爲萍就起兩之萍元謂今天問萍就作

萍爾雅曰萍萍其大者蘋讀如小子言平之平萍氏主水禁萍

之草無根而浮取名於其不沈溺。萍音平又蒲丁反蜚蒲丁反爾雅云蛟蟻蟻郭注云甲蟲大如虎豆綠色萍就蒲丁

反萍音平本亦作萍同萍蒲丁反積音類。

司寤氏下士二人徒八人。

寤覺也。主夜覺者。覺音教下同。

司烜氏下士六人徒十有二人。

烜火也。讀如衛侯燬之燬故書烜爲垣鄭司農云當爲烜。烜音毀注燬同。

周禮 秋官

垣劉音皇

條狼氏下士六人胥六人徒六十人。

杜子春云條當爲滌器之滌元謂滌除也狼狼扈道上。條音滌徒歷反注同。

脩閭氏下士二人史一人徒十有二人。

閭謂里門。

冥氏下士二人徒八人。

鄭司農云冥讀爲冥氏春秋之冥元謂冥方之冥以繩靡取禽

獸之名。冥如字又莫歷反靡亡皮反。

庶氏下士二人徒四人。

庶讀如藥煮之煮驅除毒蟲之言書不作蟲者字從聲。庶依注音藥煮之煮

又章頂反蟲音古。

穴氏下士二人徒四人。

穴搏螿獸所藏者。搏音博劉音付螿直立反。

翬氏下士二人徒八人。

翬鳥翮也。鄭司農云：翬讀爲翹翼之翹。翹音翹朱說反又音豉反。

柞氏下士八人徒廿八人。

柞除木之名。除木者必先刊剝之。鄭司農云：柞讀爲音聲。咿咿之咿。屋斧之斧。柞劉音反咿屋斧音高劉音飽反。

薙氏下士二人徒廿八人。

書薙或作夷。鄭司農云：掌殺草。故春秋傳曰：如農夫之務去草。芟夷蘊崇之。又今俗間謂麥下爲夷下。言芟夷其麥。以其下種。

禾豆也。元謂薙讀如鬻小兒頭之鬻。書或作夷。此皆剪草也。字從類耳。月令曰：燒薙行水。謂燒所芟草。乃水之。薙字或作雉同他計反。徐庭計反去起呂反芟。

所銜反蘊紆紛反徐發羣反鬻他計反。

周禮 秋官

序官

五

荜蕪氏下士二人徒二人。

鄭司農云：荜讀爲搯。蕪讀爲爵。蕪之蕪謂巢也。元謂荜古字從石折聲。荜音摘宅歷反徐文列反沈勳截反李又思赤反族倉濁反。

翦氏下士二人徒二人。

翦斷滅之言也。主除蝱蠹者。詩云：實始翦商。蠹都路反。

赤友氏下士二人徒二人。

赤友猶言赤拔也。主除蝱豸自理者。赤如字一音菜肯反友徐音跋畔末反劉旁末反赤拔音昔反徐呼陌反拔畔末反。

以劉旁末反或蒲八反多直氏反。

蝻氏下士二人徒二人。

鄭司農云：蝻讀爲蟻。蝻蝦蟇也。月令曰：蝻鳴。故曰掌去鼃龜。鼃龜蝦蟇屬。書或爲掌去蝦蟇。元謂蝻今御所食蛙也。字從虫。

國聲也。蟻乃短狐與。蝻音古獲反注同劉音或又音國蟻劉音或一音古獲反蟻音遺蟇音麻蟻音樓蟇音蝻又解佳反蝻莫幸反蛙戶觸反劉

解佳反沈和佳反。與音餘下官與同。

壺涿氏下士二人徒二人。

壺謂瓦鼓涿擊之也故書涿為獨鄭可農云獨讀為濁其源之

濁音與涿相近書亦或為獨涿陟角反又音濁近附近之近

庭氏下士一人徒二人。

庭氏主射妖鳥令國中潔清如庭者也射食亦反音性反又如字

銜枚氏下士三人徒八人。

銜枚止言語囂譁也枚狀如箸橫銜之為之繯結於項繯五高反音許驕

反下同譁音歡箸直處反禮言卦反又胡麥反

伊耆氏下士二人徒二人。

伊耆古王者號始為蜡以息老物此主王者之齒棧後王識伊

耆氏之舊德而以名官與今姓有伊耆氏耆巨之反蜡在詠反

周禮秋官

序官

六

大行人中大夫二人小行人下大夫四人司儀上士八人中士十

有六人行夫下士卅有二人府四人史八人胥八人徒八十八人

行夫主國使之禮使所史反

環人中士四人史四人胥四人徒四十人。

環猶圍也主鬪賓客任器為之守衛環戶關反劉戶串反

象胥每翟上士一人中士二人下士八人徒廿人。

通夷狄之言者曰象胥其有才知者也此類之本名東方曰窳

南方曰象西方曰狄鞮北方曰譯今總名曰象者周之德先致

南方也知音賀嬰下分反譯音亦

掌客上士二人下士四人府一人史二人胥二人徒廿人。

掌訝中士八人府二人史四人胥四人徒四十人。

訝迎也賓客來主迎之鄭可農云訝讀為跛者訝跛者之訝跛

掌交中士八人府二人史四人徒卅有一人

反可  
主交通結諸侯之好好呼報反

掌察四方中士八人史四人徒十有六人

掌貨賄下士十有六人史四人徒卅有二人

朝大夫每國上士二人下士四人府一人史二人庶子八人徒卅

人。此王之士也使主都家之國治而命之朝大夫云治面吏反

都則中士一人下士二人府一人史二人庶子四人徒八十八

都則主都家之八則者也當言每都如朝大夫及都司馬云

都士中士二人下士四人府二人史四人胥四人徒四十人家士

亦如之

周禮秋官序官大司寇

都家之士主治都家吏民之獄訟以告方士者也亦當言每都

大司寇之職掌建邦之三典以佐王刑邦國詰四方

典法也詰謹也書曰王旒荒度作詳刑以詰四方詰起言反旒莫報反度待洛反

一曰刑新國用輕典

新國者新辟地立君之國用輕法者為其民未習於教為子偽反

二曰刑平國用中典

平國承平守成之國也用中典者常行之法

三曰刑亂國用重典

亂國篡殺叛逆之國用重典者以其化惡伐滅之篡初患反殺音試本亦作弑

以五刑糾萬民

刑亦灋也糾猶察異之

一曰野刑上功糾力



功農功方勤力。

二曰軍刑上命糾守。

命將命也守不失部伍。守劉音發注同將字匠反。

三曰鄉刑上德糾孝。

德六德也善父母為孝。

四曰官刑上能糾職。

能能其事也職職事脩理。

五曰國刑上愿糾暴。

愿慤慎也暴當為恭字之誤也。原音願劉又音原依注暴作恭慤音角反。

以圜土聚教罷民。

圜土獄城也聚罷民其中困苦以教之為善也民不慤作勞有

似於罷。罷音皮注下皆同慤音敏劉亡

周禮秋官

大司徒

八

凡害人者寘之圜土而施職事焉以明刑恥之。

害人謂為邪惡已有過失麗於法者以其不故犯灋寘之圜土

繫教之庶其困悔而能改也寘置也施職事以所能役使之明

刑書其罪惡於大方版著其背。寘多誤反又音示邪似嗟反下同著字略反音直略反。

其能改者反于中國不齒三年。

反于中國謂舍之還於故鄉里也司圜職曰上罪三年而舍中

罪二年而舍下罪一年而舍不齒者不得以年次列於平民

其不能改而出圜土者殺。

出謂逃亡。

以兩造禁民訟入束矢于朝然後聽之。

訟請以財貨相告者造至也使訟者兩至既兩至使入束矢乃

治之也不至不入束矢則是自服不直者也必入矢者取其直

也詩曰其直如矢古者一弓百矢束矢其百个與造七報反注同个古賀反與音餘  
以兩劑禁民獄入鈞金三日乃致于朝然後聽之

獄謂相告以罪名者劑今券書也使獄者各齎券書既兩券書使入鈞金又三日乃治之重刑也不券書不入金則是亦自服

不直者也必入金者取其堅也三十斤曰鈞劑子聽反  
以嘉石平罷民

嘉石文石也對之外朝門左平成也成之使善文如字劉音問對音對

凡萬民之有罪過而未麗于灋而害于州里者桎梏而坐諸嘉石役諸司空重罪旬有三日坐其役其次九日坐九月役其次七日坐七月役其次五日坐五月役其下罪三日坐三月役使州里任之則宥而舍之

有罪過謂邪惡之人所罪過者也麗附也未附於灋未著於灋  
周禮 秋官 大司寇 九

也木在足曰桎在手曰梏役諸司空坐日訖使給百工之役也役月訖使其州里之人任之乃赦之宥寬也釋音價梏古毒反著直略反下附猶著皆同

以肺石達窮民 肺石赤石也窮民天民之窮而無告者肺勞廢反

凡遠近惇獨老幼之欲有復于上而其長弗達者立于肺石三日士聽其辭以告于上而罪其長

無兄弟曰惇無子孫曰獨復猶報也上謂王與六卿也報之者若上書詣公府言事矣長謂諸侯若鄉遂大夫惇其普反長于丈反下及注同上時掌反

正月之吉始和布刑于邦國都鄙乃縣刑象之灋于象魏使萬民觀刑象挾日而斂之

正月朔日布五刑於天下正歲又縣其書重之縣音懸注及下同挾子協反  
凡邦之大盟約蒞其盟書而登之于天府

洩臨也。天府祖廟之藏。約於妙反。藏身俱反。

大史內史司會及六官皆受其貳而藏之。

六官六卿之官也。貳副也。會古外反。下同。司會皆同。

凡諸侯之獄訟以邦典定之。

邦典六典也。以六典待邦國之治。治直吏反。下同。

凡卿大夫之獄訟以邦灋斷之。

邦灋八灋也。以八灋待官府之治。斷子亂反。下注皆同。

凡庶民之獄訟以邦成弊之。

邦成八成也。以官成待萬民之治。故書弊為弊。鄭司農云。弊當

為弊。邦成謂若今時決事比也。弊之斷其獄訟也。故春秋傳曰。

弊罪邢侯。弊必世反。斷也。後訓斷者皆同弊。劉芳藏反。又音卑。設反。此必利反。

大祭祀奉犬牲。

周禮秋官

大司寇

十

奉猶進也。

若禋祀五帝則戒之日。洩誓百官。戒于百族。

戒之日卜之日也。百族謂府史以下也。郊特牲曰。卜之日。王立

于澤。親聽誓命。受教諫之義也。獻命庫門之內。戒百官也。大廟

之內。戒百姓也。

及納亨。前王祭之日亦如之。

納亨致牲。亨與庚反。劉晉五反。注同。下納亨放此。

奉其明水火。

明水火。所取於日月者。

凡朝覲會同。前王大喪亦如之。

大喪所前。或嗣王。

大軍旅。洩戮于社。

社謂社主在軍者也。鄭司農說以書曰：用命賞于祖，不用命戮于社。

### 凡邦之大事使其屬蹕。

屬士師以下也。故書蹕作遊。杜子春云：避當為辟，謂辟除姦人也。元謂蹕止行也。蹕本亦作趨音畢。

小司寇之職掌外朝之政以致萬民而詢焉。一曰詢國危。二曰詢國遷。三曰詢立君。

外朝朝在雉門之外者也。國危謂有兵寇之難。國遷謂徙都改邑也。立君謂無冢適選於庶也。鄭司農云：致萬民聚萬民也。詢謀也。詩曰：詢于芻蕘。書曰：謀及庶人。難乃旦反。適丁歷反。蕘而招反。

其位。王南鄉。三公及州長。百姓北面。羣臣西面。羣吏東面。

羣臣。卿大夫士也。羣吏。府史也。其孤不見者。孤從羣臣。卿大夫

### 周禮 秋官

大司寇 小司寇

在公後。鄭註亮反。亮丁丈反。見賢地反。

小司寇擯以敘進而問焉。以眾輔志而弊謀。

擯。謂揖之使前也。敘。更也。輔志者。尊王賢明也。擯必刃反。注同。更音庚。

以五刑聽萬民之獄訟。附于刑。用情訊之。至于旬。乃弊之。讀書則用灋。

附。猶著也。故書附作付。訊。言也。用情理言之。冀有可以出之者。

十日乃斷之。王制曰：刑者例也。例者成也。一成而不可變。故君子盡心焉。鄭司農云：讀書則用灋。如今時讀鞫已乃論之。訊音信。盡津忍。

反鞫九六反。

凡命夫命婦不躬坐獄訟。

為治獄吏。褻尊者也。躬身也。不身坐者。必使其屬若子弟也。喪服傳曰：命夫者。其男子之為大夫者。命婦者。其婦人之為大夫

妻者春秋傳曰衛侯與元咺訟甯武子爲輔鍼嚴子爲坐士榮

爲大理爲字手爲反咺况阮反鍼其廉反嚴劉音

莊左傳作莊案漢書明帝名莊改爲嚴

### 凡王之同族有罪不卽市

鄭司農云刑諸甸師氏禮記曰刑于隱者不與國人慮兄弟

### 以五聲聽獄訟求民情一曰辭聽

觀其出言不直則煩

### 二曰色聽

觀其顏色不直則赧然赧女板反

### 三曰氣聽

觀其氣息不直則喘喘昌克反

### 四曰耳聽

觀其聽聆不直則惑聆音零

### 周禮私官

小司寇

### 五曰目聽

觀其眸子視不直則眊然眊莫侯反劉無不反眊莫鞅反本又作旄同

### 以八辟麗邦瀆附刑罰

辟瀆也杜子春讀麗爲羅元謂麗附也易曰日月麗乎天故書

附作付猶著也

### 一曰議親之辟

鄭司農云若今時宗室有罪先請是也

### 二曰議故之辟

故謂舊知也鄭司農云故舊不遺則民不偷偷他侯反徐悲豆反

### 三曰議賢之辟

鄭司農云若今時廉吏有罪先請是也元謂賢有德行者行下孟反

### 四曰議能之辟

能謂有道藝者春秋傳曰夫謀而鮮過惠訓不倦者叔向有焉社稷之固也猶將十世宥之以勸能者今壹不免其身以棄社稷不亦惑乎未音扶鮮息淺反同許亮反

五曰議功之辟。

謂有大勲勞立功者。

六曰議貴之辟。

鄭司農云若今時吏墨綬有罪先請是也。

七曰議勤之辟。

謂憔悴以事國傳昨遙反齊秦醉反

八曰議賓之辟。

謂所不臣者三恪二代之後與與音餘

以三刺斷庶民獄訟之中。

周禮秋官

小司寇

中謂罪正所定刺七賜反斷丁亂反後皆同

一曰訊羣臣二曰訊羣吏三曰訊萬民。

刺殺也三訊罪定則殺之訊言也。

聽民之所刺宥以施上服下服之刑。

宥寬也民言殺殺之言寬寬之上服劓墨也下服宮剕也劓魚器反別音

月又五

及大比登民數自生齒以上登于天府。

大比三年大數民之眾寡也人生齒而體備男八月而生齒女

七月而生齒比毗志反注同上時掌反下注同數所主反

內史司會冢宰貳之以制國用。

人數定而九賦可知國用乃可制耳

小祭祀奉犬牲。

奉猶進也。

凡禋祀五帝實饌水納亨亦如之。

納亨致牲也其時饌水當以洗解牲體肉。饌戶郭反。

大賓客前王而辟。

鄭司農云小司寇為王道辟除姦人也若今時執金吾下至令

尉奉引矣。辟雍亦反劉符益反一音匹亦反沈音避注同後而辟皆放此道音通。

后世子之喪亦如之小師遊戮。

小師王不自出之師。

凡國之大事使其屬蹕。

屬士師以下。

孟冬祀司民獻民數于王王拜受之以圖國用而進退之。

司民星名謂軒轅角也小司寇於祀司民而獻民數於王重民

周禮秋官

小司寇 士師

十四

也進退猶損益也國用民眾則益民寡則損。

歲終則令羣士計獄弊訟登中于天府。

上其所斷獄訟之數。

正歲帥其屬而觀刑象令以木鐸曰不用灋者國有常刑令羣士

羣士遂士以下。

乃宣布于四方憲刑禁。

宣偏也憲表也謂縣之也刑禁士師之五禁。偏音通。

乃命其屬入會乃致事。

得其屬之計乃令致之於王。會古外以後要會之字皆放此。

士師之職掌國之五禁之灋以左右刑罰。一曰宮禁。二曰官禁。三

曰國禁。四曰野禁。五曰軍禁。皆以木鐸徇之于朝書而懸于門閭。

左右助也。助刑罰者。助其禁民為非也。宮王宮也。官官府也。國

城中也古之禁書亡矣今宮門有符籍官府有無故擅入城門

有離載下帷野有田律軍有器謹夜行之禁其柄可言者左音後右音又

注左右助也同徇以俊反擊首懸柄劉音相沈才右反

以五戒先後刑罰毋使罪麗于民一曰誓用之于軍旅二曰誥用之于會同三曰禁用諸田役四曰糾用諸國中五曰憲用諸都鄙

先後猶左右也誓誥於書則甘誓大誥康誥之屬禁則軍禮曰無干車無自後射此其類也糾憲未有問焉音讀百報反射食亦反

掌鄉合州黨族閭比之聯與其民人之什伍使之相安相受以比追胥之事以施刑罰慶賞

鄉合鄉所合也追追寇也胥讀如宿脩之脩脩謂司搏盜賊也比毗志反下同道如字劉張類反音如字劉思叔反注脩同搏音博劉音付

### 掌官中之政令

周禮秋官

士師

五

大司寇之官府中也

察獄訟之辭以詔司寇斷獄弊訟致邦令

詔司寇若今自聽正灋解也致邦令者以灋報之

### 掌士之八成

鄭司農云八成者行事有八篇若今時決事比此必利反

### 一曰邦約

鄭司農云約讀如酌酒尊中之酌邦約者斟酌盜取國家密事

若今時刺探尙書事為上均反注同斬多林反酌音灼刺七亦反文七賜反

### 二曰邦賊

為道亂者

### 三曰邦謀

為異國反間謀音賤間音開



四曰犯邦令。

干冒王教令者。冒音墨。

五曰橋邦令。

稱詐以有為者。橋音矯。

六曰為邦盜。

竊取國之寶藏者。藏才。馮反。

七曰為邦朋。

朋黨相阿使政不平者。故書朋作備。鄭司農云。備讀如朋友之朋。備劉音。朋徐音。朋又補到反。

八曰為邦誣。

誣罔君臣使事失實。

若邦凶荒則以荒辯之灋治之。

周禮

秋官 士師

去

鄭司農云。辯讀為風別之別。救荒之政十有二。而士師別受其

數條。是為荒別之灋。元謂辯當為貶。聲之誤也。遭飢荒。則刑罰

國事有所貶損。作權時灋也。朝士職曰。若邦凶荒。札喪寇戎之

故。則令邦國都家縣鄙慮刑貶。辯依注音貶。風別之別。皆彼列。反下。傳別及注同。數所正反。

令移民通財糾守緩刑。

移民就賤救困也。通財補不足也。糾守備盜賊也。緩刑紓民心

也。符音舒。亦作舒。

凡以財獄訟者正之以傅別約劑。

傅別。中別手書也。約劑。各所持券也。故書別為辯。鄭司農云。傅

或為符。辯讀為風別之別。若今時市買。為券書以別之。各得其

一。訟則案券以正之。傅音附。注同。約於妙反。又如字。

若祭勝國之社稷則為之尸。

以刑官爲尸略之也。周謂亡殷之社爲亳社。亳音步各反。王燕出入則前驅而辟。

道王且辟行人。道音導下三公。道盜城道同。

祀五帝則沃尸及王盥。洎鑊水。

洎謂增其沃汁。洎其器反。或古音莫。

凡刳珥則奉犬牲。

珥讀爲餌。刳珥豐禮之專用牲毛者曰刳。羽者曰珥。刳音機劉音奇。珥而志反注珥。

同。

諸侯爲賓則帥其屬而蹕于王宮。

謂諸侯來朝若燕饗時。

大喪亦如之。大師帥其屬而禁逆軍旅者與犯師禁者而戮之。

逆軍旅反將命也。犯師禁干行陳也。將子匠反。行戶剛反陳直刃反。

周禮秋官

士師 鄉士

七

歲終則令正要會。

定計簿。簿步古反。

正歲帥其屬而憲禁令于國及郊野。

去國百里爲郊外謂之野。

鄉士掌國中。

鄭司農云謂國中至百里郊也。元謂其地則距王城百里內也。

言掌國中。此主國中獄也。六鄉之獄在國中。

各掌其鄉之民數而糾戒之。

鄉士八人。言各者四人而分主三鄉。

聽其獄訟察其辭。

察審也。

辯其獄訟異其死刑之罪而要之旬而職聽于朝。

辯異謂殊其文書也。要之爲其罪瀆之要辭。如今劾矣。十日乃以職事治之於外朝。容其自反覆。劾戶代反覆勞服。反方士職注同。

司寇聽之。斷其獄。弊其訟于朝。羣士司刑皆在。各麗其瀆。以議獄訟。

麗附也。各附致其瀆。以成議也。

獄訟成。士師受中。計日刑殺。肆之三日。

受中。謂受獄訟之成也。鄭司農云。士師受中。若今二千石受其獄也。中者刑罰之中也。故論語曰。刑罰不中。則民無所措手足。協日刑殺。計合也。和也。和合文幹善日。若今時望後利日也。肆之三日。故春秋傳曰。三日。棄疾請尸。論語曰。肆諸市朝。元謂士師既受獄訟之成。鄉士則擇可刑殺之日。至其時而往。涖之尸之三日。乃反也。計音協。本亦在協下同。不中。字仲反。措七故反。

周禮 秋官

鄉士 遂士

六

若欲免之。則王會其期。

免。猶赦也。期。謂鄉士職聽于朝。司寇聽之日。王欲赦之。則用此時親往議之。

大祭祀。大喪紀。大軍旅。大賓客。則各掌其鄉之禁令。帥其屬夾道而蹕。

屬中士以下。來古洽反。劉古協反。

三公若有邦事。則爲之前驅。而辟其喪亦如之。

鄭司農云。鄉士爲三公道也。若今時三公出城。郡督郵盜賊道也。則爲子僞反。遂士。縣士。同。

凡國有大事。則戮其犯命者。

遂士掌四郊。

鄭司農云。謂百里外至三百里也。元謂其地則距王城百里以

外。至二百里。言掌四郊者。此王四郊獄也。六遂之獄在四郊。各掌其遂之民數。而糾其戒令。

遂士十二人。言各者。二人而分主一遂。

聽其獄。訟察其辭。辨其獄。訟異其死刑之罪。而要之。二旬而職聽于朝。司寇聽之。斷其獄。弊其訟于朝。羣士司刑。皆在。各麗其灋。以議獄。訟獄。訟成。士師受中。計日就郊。而刑殺各于其遂。肆之三日。就郊而刑殺者。遂士也。遂士擇刑殺日。至其時往泣之。如鄉士爲之矣。言各於其遂者。四郊六遂。遂處不同。

若欲免之。則王令三公會其期。

令猶命也。王欲赦之。則用遂士職聽之時。命三公往議之。

若邦有大事。聚眾庶。則各掌其遂之禁令。帥其屬而蹕。

大事。王所親也。

周禮

秋官

遂士

縣士

九

六卿若有邦事。則爲之前驅。而辟其喪。亦如之。凡郊有大事。則戮其犯命者。縣士掌野。

鄭司農云。掌三百里至四百里。大夫所食。晉韓須爲公族大夫。食縣。元謂地距王城二百里以外。至三百里曰野。三百里以外。至四百里曰縣。四百里以外。至五百里曰都。都縣野之地。其邑非王子弟公卿大夫之采地。則皆公邑也。謂之縣。縣士掌其獄焉。言掌野者。郊外曰野。大總言之也。獄居近野之縣獄。在二百里上。縣之縣獄。在三百里上。都之縣獄。在四百里上。

各掌其縣之民數。糾其戒令。而聽其獄。訟察其辭。辨其獄。訟異其死刑之罪。而要之。三旬而職聽于朝。司寇聽之。斷其獄。弊其訟于朝。羣士司刑。皆在。各麗其灋。以議獄。訟獄。訟成。士師受中。計日刑

殺各就其縣肆之三日。

刑殺各就其縣者亦謂縣士。

若欲免之則王命六卿會其期。

期亦謂縣士職聽之時。

若邦有大役聚眾庶則各掌其縣之禁令若大夫有邦事則爲之前驅而辟其喪亦如之凡野有大事則戮其犯命者。

野距王城二百里以外及縣都。

### 方士掌都家

鄭司農云掌四百里至五百里公所食魯季氏食於都元謂都

王子弟及公卿之采地家大夫之采地大都在畺地小都在縣

地家邑在稍地不言掌其民數民不純屬王。魯居長反。

聽其獄訟之辭辨其死刑之罪而要之三月而上獄訟于國。

周禮

秋官

縣士 九士

子

三月乃上要者又變朝言國以其自有君異之。上謂掌反注下並同。

司寇聽其成于朝羣士司刑皆在各麗其灋以議獄訟。

成平也。鄭司農說以春秋傳曰晉邢侯與雍子爭鄙田久而無

成。鄭許六反劉勅六反或音助。

獄訟成士師受中書其刑殺之成與其聽獄訟者。

都家之吏自協日刑殺但書其成與治獄之吏姓名備反覆有

失實者。

凡都家之大事聚眾庶則各掌其方之禁令。

方士十六人言各掌其方者四人而主一方也其方以王之事

動眾則爲班禁令焉。

以時脩其縣灋若歲終則省之而誅賞焉。

縣灋縣師之職也其職掌邦國都鄙稍甸郊野之地域而辨其

夫家人民田萊之數及其六畜車輦之積方士以四時脩此灋  
歲終又省之則與掌民數亦相近近附近之近

凡都家之士所上治則主之

都家之士都士家士也所上治者謂獄訟之小事不附罪者也  
主之告於司寇聽平之治直吏反注同下有治同

訝士掌四方之獄訟

鄭司農云四方諸侯之獄訟

諭罪刑于邦國

告曉以麗罪及制刑之本意

凡四方之有治于士者造焉

謂讞疑辨事先來請乃通之於士也士主謂士師也如今郡國  
亦時遣主者吏詣廷尉議者造七報反讞魚竭反

周禮秋官

方士訝士朝士

圭

四方有亂獄則往而成之

亂獄謂若君臣宣淫上下相虐者也往而成之猶呂步舒使治  
淮南獄

邦有賓客則與行人送逆之入于國則爲之前驅而辟野亦如之  
居館則帥其屬而爲之蹕誅戮暴客者客出入則道之有治則贊  
之

送逆謂始來及去也出入謂朝覲於王時也春秋傳曰晉侯受

策以出出入三覲入國入野自以時事道言導

凡邦之大事聚眾庶則讀其誓禁

朝士掌建邦外朝之灋左九棘孤卿大夫位焉羣士在其後右九  
棘公侯伯子男位焉羣吏在其後面三槐三公位焉州長眾庶在  
其後左嘉石平罷民焉右肺石達窮民焉

樹棘以爲位者取其赤心而外刺象以赤心三刺也槐之言懷也懷來人於此欲與之謀羣吏謂府史也州長鄉遂之官鄭司農云王有五門外曰皋門二曰雉門三曰庫門四曰應門五曰路門路門一曰畢門外朝在路門外內朝在路門內左九棘右九棘故易曰係用徽纆示于叢棘元謂明堂位說魯公宮曰庫門天子皋門雉門天子應門言魯用天子之禮所名曰庫門者如天子皋門所名曰雉門者如天子應門此名制二兼四則魯無皋門應門矣檀弓曰魯莊公之喪既葬而經不入庫門言其除喪而反由外來是庫門在雉門外必矣如是王五門雉門爲中門雉門設兩觀與今之宮門同闕人幾出入者窮民蓋不得入也郊特牲譏釋於庫門內言遠當於廟門廟在庫門之內見於此矣小宗伯職曰建國之神位右社稷左宗廟然則外朝在

周禮

秋官

朝士

三

庫門之外皋門之內與今司徒府有天子以下大會殿亦古之外朝哉周天子諸侯皆有三朝外朝一內朝二內朝之在路門內者或謂之燕朝長于丈反注同罷音皮司圖職同刺七賜反下同釋十七北反示于之鼓反又如字本或作真義才反顧古亂反關音昏釋音亦徐音夕見賓通反稟音餘下國服與同

帥其屬而以鞭呼趨且辟

趨朝辟行人執鞭以威之趨本又作趨同七須反劉音滿欲反

禁慢朝錯立族談者

慢朝謂臨朝不肅敬也錯立族談違其位傳語也

凡得獲貨賄人民六畜者委于朝告于士旬而舉之天者公之小者庶民私之

俘而取之曰獲委於朝十日待來讞之者人民謂刑人奴隸逃亡者司隸職曰帥其民而搏盜賊鄭司農云若今時得遺物及

放失六畜持詣鄉亭縣廷。大者公之，大物没入公家也。小者私之，小物自界也。元謂人民之小者，未讞七歲以下。伊音字博音博又音付宋音逸又如

字男必二反讞初謹反又教謹反劉胡各反沈徇九反毀齒也。

凡士之治有期，日國中一旬，郊二旬，野三旬，都三月，邦國期內之治聽期外不聽。

鄭司農云：謂在期內者聽，期外者不聽。若今時徒論決滿三月，不得乞鞫。治直吏反，下之治以治及司民職主治。并注同期皆其反，謂九六反，綱已目反。

凡有責者有判書以治則聽。

判半分而合者，故書判為辨。鄭司農云：謂若今時解訟有券書者為治之辨，讀為別，謂別券也。元謂古者出責之息，亦如國服與。為與偽反，下為治為。民同別後列反，下同。

凡民同貨財者，令以國瀆行之，犯令者刑罰之。

周禮私官

朝士

三

鄭司農云：同貨財者謂合錢共賣者也。以國瀆行之，司市為節，以遣之。元謂同貨財者富人畜積者多，時收斂之，乏時以國服之，瀆出之。雖有騰躍其贏，不得過此。以利出者與取者過此則罰之。若今時加責取息坐臧。共如字，賈音古，畜勅六反，積字，賜反又。字出尺遂反，劉勅類反，又如字，坐才附反。

凡屬責者以其地傳而聽其辭。

鄭司農云：謂訟地畔界者，田地町畔相比屬，故謂之屬責。以地傳而聽其辭，以其比畔為證也。元謂屬責轉責使人歸之，而本主死亡，歸受之數，相抵冒者也。以其地之人相比近，能為證者來，乃受其辭為治之。廣如字，或音獨，注同，傳音付，注同，町徒頂反，又他頂反，比毗志反，下及下文大比同，抵丁禮反。

凡盜賊軍鄉邑及家人殺之無罪。

鄭司農云：謂盜賊羣輩若軍共攻盜鄉邑及家人者殺之無罪。若今時無故入人室宅廬舍，上人車船，牽引人欲犯瀆者，其時



格殺之無罪。上時掌反，下文以上並注同。

凡報仇讎者，書于士，殺之無罪。

謂同國不相辟者將報之，必先言之於士。  
辟者，避。

若邦凶荒札喪寇戎之故，則令邦國都家縣鄙慮刑貶。

故書慮為憲，貶為窆。杜子春云：窆當為禁，憲謂幡書以明之。元謂慮謀也。貶猶減也。謂當圖謀緩刑且減國用為民困也。所貶視時為多少之灋。  
變彼，驗反。

司民掌登萬民之數，自生齒以上，皆書于版，辨其國中與其都鄙及其郊野，異其男女歲登下其死生。

登上也。男八月，女七月而生。齒，版今戶籍也。下猶去也。每歲更著生去死。  
去赴呂反，下同。著字略反。

及三年大比，以萬民之數詔司寇。司寇及孟冬祀司民之日，獻其

周禮 秋官 朝士 司民 司刑 畜

數于王。王拜受之，登于天府。內史司會冢宰貳之以贊王治。

鄭司農云：文昌宮三能屬軒轅角，相與為體。近文昌為司命，次司中，次司祿，次司民。元謂司民，軒轅角也。天府主祖廟之藏者，贊佐也。三官以貳佐王治者，當以民多少黜陟主民之吏。  
能叶才反，近附。

近之。

司刑掌五刑之灋，以麗萬民之罪。墨罪五百，劓罪五百，宮罪五百，剕罪五百，殺罪五百。

墨，黥也。先刻其面以墨室之，劓，截其鼻也。今東西夷或以墨劓

為俗。古刑人亡逃者之世類與。宮者，丈夫則割其勢，女子閉於

宮中。若今宦男女也。剕，斷足也。周改贖作剕。殺，死刑也。書傳曰：

決關梁踰城郭而略盜者，其刑贖男女，不以義交者，其刑宮。觸

易君命革輿服制度姦軌盜攘傷人者，其刑劓。非事而事之，出

入不以道義而誦不詳之辭者其刑墨降畔寇賊劫略奪攘擄  
虐者其刑死此二千五百罪之目略也其刑書則亡夏刑大辟  
二百贖辟三百宮辟五百劓墨各千周則變焉所謂刑罰世輕  
世重者也鄭司農云漢孝文帝十三年除肉刑劓魚器反李魚界反又疑婢反劓音月又五刑  
反李五骨反鞮其京反室本又作混同乃結反徐丁占反又丁結反漢晉餘  
斷了管反頭癩忍反徐方忍反劉符人反壤如羊反陸戶江反掃居兆反  
若司寇斷獄弊訟則以五刑之灋詔刑罰而以辨罪之輕重。

詔刑罰者處其所應不如今律家所署灋矣。

司刺掌三刺三宥三赦之灋以贊司寇聽獄訟。

刺殺也。訊而有罪則殺之。宥寬也。赦舍也。刺七賜反。下及注同。

壹刺曰訊羣臣再刺曰訊羣吏三刺曰訊萬民。

訊言。

壹宥曰不識再宥曰過失三宥曰遺忘。

周禮秋官

司刑 司刺 司約

壹

鄭司農云不識謂愚民無所識則宥之過失若今律過失殺人  
不坐死元謂識審也不審若今仇讐當報甲見乙誠以為甲而  
殺之者過失若舉刃欲砍伐而軼中人者遺忘若閒帷薄忘有  
在焉而以兵矢投射之。音意注同坐才卧反下同軼待結反申丁仲反閒簡閒之間射食亦反。

壹赦曰幼弱再赦曰老耄三赦曰蠢愚。

蠢愚生而癡騃童昏者鄭司農云幼弱老耄若今時律令年未  
滿八歲八十以上非手殺人他皆不坐。耄本又作耄同亡報反蠢勸江反又貞巷反劉癡用反騃五駭反李

又五亥反又吐反在上時掌反。

以此三灋者求民情斷民中而施上服下服之罪然後刑殺。

上服殺與墨劓下服宮刑也司約職曰其不信者服墨刑凡行

刑必先規識所刑之處乃後行之。

司約掌邦國及萬民之約劑治神之約為上治民之約次之治地

之約次之。治功之約次之。治器之約次之。治摯之約次之。

此六約者諸侯以下至於民皆有焉。刑謂券書也。治者理其相抵冒上下之差也。神約謂命祀郊社羣望及所祖宗也。變子不祀。祝融楚人伐之。民約謂征稅遷移。仇讎既和。若懷宗九姓在魯。殷民六族七族在魯。衛皆是也。地約謂經界所至。田萊之比也。功約謂王功國功之屬。賞爵所及也。器約謂禮樂吉凶車服所得用也。摯約謂王帛禽鳥。相與往來也。

約於妙反。後反注皆同。摯求。龜反。比。毗志反。又必二反。

凡大約劑書于宗彝。小約劑書于丹圖。

大約劑邦國約也。書於宗廟之六彝。欲神監焉。小約劑萬民約也。丹圖未聞。或有彫器簠簋之屬。有圖象者與。春秋傳曰。斐豹隸也。著於丹書。今俗語有鐵券丹書。豈此舊典之遺言。與音除。斐音非。徐方

眉反。劉方特反。沈芳。尾反。

周禮

秋官

司約 司盟

若有訟者。則珥而辟藏。其不信者服墨刑。

三

鄭司農云。謂有爭訟。罪罰刑書。繆誤不正者。為之開藏。取木刑書以正之。當開時。先祭之。元謂訟訟約。若宋仲幾薛宰者也。辟藏。開府視約書。不信不如約也。珥。讀曰耳。謂殺雞取血。豐其戶。藏才。浪反。注下。皆同。為字。偽反。

若大亂則六官辟藏。其不信者殺。

大亂謂僭約若吳楚之君。晉文公請隧以葬者。六官辟藏明罪。大也。六官初受盟約之貳。陸音。遂。

司盟掌盟載之灋。

載。盟辭也。盟者書其辭於策。殺牲取血。坎其牲。加書於上。而埋之。謂之載書。春秋傳曰。宋寺人惠牆伊戾坎用牲。加書為世子。痊與楚客盟。肆字。戈反。

凡邦國有疑會同則掌其盟約之載及其禮義北面詔明神既盟則貳之。

有疑不協也明神之明察者謂日月山川也覲禮加方明于壇上所以依之也詔之者讀其載書以告之也貳之者寫副當

以授六官  
義音儀

盟萬民之犯命者詛其不信者亦如之。

盟詛者欲相與其惡之也犯命犯君教令也不信違約者也春秋傳曰臧紇犯門斬關以出乃盟臧氏又曰鄭伯使卒出豶行

出犬雞以詛射潁考叔者  
詛側應反其如字惡烏路反紇恨發反劉胡設反沈胡謁反辛字忽反釋音加行戶剛反射食亦反。

凡民之有約劑者其貳在司盟。

貳之者檢其自相違約。

有獄訟者則使之盟詛。

周禮

秋官

司盟 職金

七

不信則不敢聽此盟詛所以省獄訟  
省所訟反

凡盟詛各以其地域之眾庶其牲而致焉既盟則爲司盟其祈

酒脯。

使其邑閭出牲而來盟既又使出酒脯司盟爲之祈明神使不

信者必凶  
爲子僞反注同

職金掌凡金玉錫石丹青之戒令。

青空青也

受其入征者辨其物之嫩惡與其數量楛而璽之入其金錫于爲

兵器之府入其玉石丹青于守藏之府。

爲兵器者攻金之工六也守藏者王府內府也鄭司農云受其

入征者謂主受采金玉錫石丹青者之租稅也楛而璽之者楛

書其數量以著其物也璽者印也既楛書揃其數量又以印封

之今時之書有所表識謂之楬檠。檠音竭檠音徒守劉音狩著直略反沈張慮反檠音嚴檠申志反又如字又音忠

入其要。要凡數也入之於大府。掌受士之金罰貨罰入于司兵。給治兵及工直也貨泉貝也罰罰贖也書曰金作贖刑贖常成反下同音

蜀。旅于上帝則其其金版饗諸侯亦如之。餅金謂之版此版所施未聞版音板餅必傾反

凡國有大故而用金石則掌其令。主其取之令也。用金石者作槍雷椎棹之屬。槍七羊反雷劉音謀流云當為確即對反椎直追反

棹毛耕反木又作棹劉云皆如字劉亦說

司厲掌盜賊之任器貨賄辨其物皆有數量買而楬之入于司兵。周禮秋官職金司厲犬人犬

鄭司農云任器貨賄謂盜賊所用傷人兵器及所盜財物也。入于司兵若今時傷殺人所用兵器盜賊贓加責沒入縣官。賈音棹

其奴男子入于罪隸女子入于春槩。鄭司農云謂坐為盜賊而為奴者輸於罪隸春人槩人之官也由是觀之今之為奴婢古之罪人也。故書曰予則奴戮女。論語曰箕子為之奴罪隸之奴也。故春秋傳曰斐豹隸也著於丹書。請焚丹書我殺督戎恥為奴欲焚其籍也。元謂奴從坐而沒入

縣官者男女同名槩古老反坐才回反下同女音汝

凡有爵者與七十者與未齠者皆不為奴。

有爵謂命士以上也齠毀齒也男八歲女七歲而毀齒上時掌反毀沒偽反

夫人掌犬牲凡祭祀共犬牲用牲物伏瘞亦如之。同下

鄭司農云。牲純也。物色也。伏謂伏犬。以王車轅之瘞謂埋祭也。  
爾雅曰。祭地曰瘞埋。瘞音全本亦作全瘞於例反徐高計反轅音歷。

凡幾珥沈辜用駮可也。

故書駮作龍。鄭司農云。幾讀為祓。爾雅曰。祭山曰瘝。祭川曰浮沈。大宗伯職曰。以埋沈祭山林川澤。以禡辜祭四方百物。龍讀為駮。謂不純色也。元謂幾讀為劓。珥讀為珥。劓珥者。釁禮之事。駮上江反。九委反。劉居綺反。縣音懸。劉字通反。

凡相犬牽犬者屬焉掌其政治。

相謂視擇知其善惡。相息亮反。注同。治音吏反。

司圜掌收教罷民。凡害人者。弗使冠飾。而加明刑焉。任之以事而收教之。能改者。上罪三年而舍。中罪二年而舍。下罪一年而舍。其不能改而出圜土者。殺。雖出三年不齒。

周禮秋官

大司圜 掌囚

无

弗使冠飾者。著墨幪。若古之象刑與。舍釋之也。鄭司農云。罷民謂惡人不從化。為百姓所患苦。而未入五刑者也。故曰。凡害人者。不使冠飾。任之以事。若今時罰作矣。著于略反。幪莫公反。劉莫音反。監音餘。

凡圜土之刑人也不虧體其罰人也不虧財。

言其刑人。但加以明刑。罰人。但任之以事耳。鄭司農云。以此知其為民所苦。而未入刑者也。故大司寇職曰。凡萬民之有罪過而未麗於灋。而害於州里者。桎梏而坐諸嘉石。役諸司空。又曰。以嘉石平罷民。國語曰。罷土無伍。罷女無家。言為惡無所容入也。元謂圜土所收教者。過失害人。已麗於灋者。

掌囚。掌守盜賊。凡囚者。上罪桎梏。而桎。中罪桎梏。下罪桎。王之同族。羣有爵者。桎。以待弊罪。

凡囚者。謂非盜賊。自以他罪拘者也。鄭司農云。羣者。兩手共一。

木也。桎梏者，兩手各一木也。元謂在手曰桎，在足曰梏。中罪不  
拳，手足各一木耳。下罪又去桎。王同族及命士以上，雖有上罪  
或拳或桎而已。桎好猶斷也。梏音毒反，張祖云：參善曰：桎，說文云：桎，手械也。所以告天，極足械也。所以質地，拳劉云：三家：拳，奉反。一家：居辱反。漢書音義：辜昭音堪，云：兩手共一木曰。梏，兩手各一木曰。桎，李奇音恐，桎之實反，時掌反。

及刑殺。告刑于王，奉而適朝。士加明梏，以適市而刑殺之。

告刑於王，告王以今日當行刑。及所刑姓名也。其死罪，則曰某之罪在大辟。其刑罪，則曰某之罪在小辟。奉而適朝者，重刑。為王欲有所赦，且當以付士。士鄉士也。鄉士加明梏者，謂書其姓名及其罪於梏而著之也。囚時雖有無梏者，至於刑殺，皆設之以適市。就眾也。庶姓無爵者，皆刑殺於市。為于偽反，若于略反，徐張慮反。

凡有爵者，與王之同族，奉而適甸師氏，以待刑殺。

適甸師氏，亦由朝乃往也。待刑殺者，掌戮將自市來也。文王世

周禮秋官

掌囚 掌戮

三

子曰：雖親不以犯有司。正術也。所以體異姓也。刑于隱者，不與國人慮兄弟也。

掌戮。掌斬殺賊謀而搏之。

斬以鈇鉞。若今要斬也。殺以刀刃。若今棄市也。謀謂姦寇反開者，賊與謀罪大者斬之。小者殺之。搏當為膊。諸城上之膊，字之誤也。膊謂去衣磔之。謀音展，搏注在膊，同。普搏反。磔也。鈇音斧，一逆反。開，開則之。開，去起呂反。

凡殺其親者，焚之。殺王之親者，辜之。

親，總服以內也。焚，燒也。易曰：焚如。死如棄。如，辜之言枯也。謂磔之。

凡殺人者，踣諸市。肆之三日。刑盜于市。

踣，僵尸也。肆，猶申也。陳也。凡言刑盜罪惡莫大焉。踣，皮北反。僵，居良反。

凡罪之麗于灋者，亦如之。唯王之同族與有爵者，殺之于甸師氏。

罪二千五百條。上附下附。刑五而已。於刑同科者。其刑殺之一也。

凡軍旅田役。斬殺刑戮亦如之。

戮謂膊焚辜肆。

墨者使守門。

黥者無妨於禁御。御音黷。

劓者使守關。

截鼻亦無妨。以貌醜遠之。遠字万反。

宮者使守內。

以其人道絕也。今世或然。

別者使守囿。

斷足驅禽獸無急行。囿音又斷。丁管反。

周禮秋官

掌戮 司隸

髡者使守積。

鄭司農云。髡當作完。謂但居作三年。不虧體者也。元謂此出五

刑之中而髡者。必王之同族。不宮者。宮之為翦其類。髡頭而已。

守積。積在隱者宜也。髡音門反。積子賜反。注同。

司隸。掌五隸之灋。辨其物而掌其政令。

五隸謂罪隸。四翟之隸也。物衣服兵器之屬。

帥其民而搏盜賊。役國中之辱事。為百官積任器。凡囚執人之事。

民。五隸之民也。鄭司農云。百官所當任持之器物。此官主為積

聚之也。元謂任猶用也。搏音博。為字。為反。注同。

邦有祭祀賓客喪紀之事。則役其煩辱之事。

煩。猶劓也。士喪禮下篇曰。隸人淫廁。淫乃結反。

掌帥四翟之隸。使之皆服其邦之服。執其邦之兵。守王宮與野舍。



之厲禁。

野舍王行所止舍也。厲遮例也。遮音查反例本。又作列同音烈。

罪隸掌役百官府。與凡有守者。掌使令之小事。

役。訟和。其小役。便如字。劉色反。合。力呈反。沈力政反。

凡封國若家。牛助為牽。傍。

鄭司農云。凡封國若家。謂建諸侯。立大夫家也。牛助為牽。傍。此

官主為送致之也。元謂牛助。國以牛助轉徙也。罪隸牽傍之。在

前日牽。在旁曰傍。傍步浪反。注同。轉。如字。劉張戀反。

其守王宮。與其厲禁者。如蠻隸之事。

蠻隸。掌役。校人養馬。其在王宮者。執其國之兵。以守王宮。在野外。

則守厲禁。校戶。發反。

閼隸。掌役畜養鳥。而阜蕃。教擾之。掌子則取隸焉。

周禮秋官。司隸。罪隸。蠻隸。閼隸。夷隸。貉隸。  
布憲。至。

杜子春云。子當為祀。元謂掌子者。王立世子。置臣使掌其家事。

而以閼隸役之。蕃扶元反。下注同。

夷隸。掌役牧人。養牛馬。與鳥言。

鄭司農云。夷狄之人。或曉鳥獸之言。故春秋傳曰。介葛盧聞牛

鳴。曰。是生三犧。皆用矣。是以貉隸職掌與獸言。

其守王宮者。與其守厲禁者。如蠻隸之事。

貉隸。掌役服不氏。而養獸。而教擾之。掌與獸言。

不言阜蕃者。猛獸不可服。又不生乳於圈檻也。生如案。劉色板反。乳而。梅反。圈求反。檻戶覽反。

其守王宮者。與其守厲禁者。如蠻隸之事。

布憲。掌憲邦之刑禁。正月之吉。執旌節。以宣布于四方。而憲邦之

刑禁。以詰四方邦國。及其都鄙。達于四海。

憲表也。謂縣之也。刑禁者國之五禁。所以左右刑罰者。司寇正月布刑于天下。正歲又縣其書于象魏。布憲于司寇布刑。則以旌節出宣令之。於司寇縣書。則亦縣之于門閭。及都鄙邦國。刑者王政所重。故屢丁寧焉。詰謹也。使四方謹行之。爾雅曰。九夷入蠻。六戎五狄。謂之四海。詰起古反謹也。縣音懸。下同。

凡邦之大事。合眾庶。則以刑禁號令。

禁殺戮。掌司斬殺戮者。凡傷人見血。而不以告者。擻獄者。遏訟者。以告而誅之。

司猶察也。察此四者。告於司寇罪之也。斬殺戮。謂吏民相斬相殺。相戮者。傷人見血。見血乃為傷人耳。鄭司農云。擻獄者。距當獄者也。遏訟者。遏止欲訟者也。元謂擻猶卻也。卻獄者。言不受也。

周禮 秋官

布憲 禁殺戮 禁暴氏 野廬氏

三

禁暴氏。掌禁庶民之亂。暴力正者。擻誣犯禁者。作言語而不信者。以告而誅之。

民之好為侵陵。稱詐謾誕。此三者亦刑所禁也。力正。以力强得正也。擻。張反。好。呼報反。為。子倫反。下。則為。注皆為。同。謾。武諫反。音亡。半反。又。免。仙反。從。望。出。反。本。或。作。擻。誣。首。信。

凡國聚眾庶。則戮其犯禁者。以徇。凡奚隸聚而出入者。則司牧之。戮其犯禁者。

奚隸。女奴男奴也。其聚出入。有所使。

野廬氏。掌達國道路。至于四畿。

達。謂巡行通之。使不陷絕也。去王城五百里曰畿。行。下孟反。

比國郊及野之道路。宿息井樹。

比。猶較也。宿息。廬之屬。賓客所宿及晝止者也。井。共飲食樹為蕃蔽。

若有賓客則令守涂地之人聚櫟之有相翔者誅之

守涂地之人道所出廬宿旁民也相翔猶昌翔觀伺者也鄭司農云聚櫟之聚擊櫟以宿衛之也有姦人相翔於賓客之側則誅之不得令寇盜賓客櫟音託谷力量反下欲合同

凡道路之舟車擊互者敍而行之

舟車擊互謂於迫隘處也車有輾轆坻閭舟有砥柱之屬其過之者使以次敍之擊音計沈古的反隘烏賣反環戶關反本亦作轆向坻徐之兩反劉都禮反砥音耳

凡有節者及有爵者至則爲之辟

辟辟行人亦使守涂地者

禁野之橫行徑踰者

皆爲防姦也橫行妄由田中徑踰射邪趨疾越隄渠也射食亦反邪似嗟反

聖丁兮反

周禮秋官

野廬氏 蜡氏

一

凡國之大事比脩除道路者

比校治道者名若今次金敍大助

掌凡道禁

禁謂若今絕蒙布巾持兵杖之屬杖面亮反

邦之大師則令掃道路且以幾禁行作不時者不物者

不時謂不夙則莫者也。不物謂衣服操持非比常人也。幾禁之

者備姦人內賊及反聞裏音舉操七曹反聞開則之聞

蜡氏掌除軼

曲禮西足死者曰殯故書軼作春鄭司農云春讀爲殯謂死人

骨也月令曰掩骼埋胔骨之尚有肉者也及禽獸之骨皆是清

預反軼似賜反注續衛皆同續文并漬骨子亦反李慈菴反骸音百反

凡國之大祭祀令州里除不蠲禁刑者任人及凶服者以及郊野

大師大賓客亦如之。

蠲讀如吉圭惟僖之圭圭潔也刑者黥劓之屬任人司圜所收教罷民也凶服服衰經也此所禁除者皆為不欲見人所葺惡

也。蠲古反重音圭潔也。僖昌志反罷音皮衰七雷反僖于僖。反。為其罔為其就禽同。蠲紂廢反。今本多作殘。忠鳥路反。

若有死于道路者則令埋而置楬焉書其日月焉縣其衣服任器于有地之官以待其人。

有地之官主此地之吏也其人其家人也鄭司農云楬欲令其識取之今時楊槩是也有地之官有郡界之吏今時鄉亭是也

揚音楬。縣音懸。

掌凡國之飢禁。

禁謂孟春掩骼埋胔之屬。

雍氏掌溝瀆澮池之禁凡害于國稼者春令為阱獲溝瀆之利于

周禮秋官

雍氏 雍氏 萍氏

董

民者秋令塞阱杜獲。

溝瀆澮田間通水者也池謂陂障之水道也害於國稼謂水潦

及禽獸也阱穿地為塹所以禦禽獸其或超踰則陷焉世謂之陷阱獲柞鄂也堅地阱淺則設柞鄂於其中秋而杜塞阱獲收

刈之時為其陷害人也書柴誓曰斂乃獲斂乃阱時秋也伯禽

以出師征徐戎會古外反阱在性反壘也獲胡化反陂波自反障之尚反塹也

斂乃斂反乃結反。徐劉本作紉音徐。

禁山之為苑澤之沈者。

為其就禽獸魚鼈自然之居而害之鄭司農云不得擅為苑囿

於山也澤之沈者謂毒魚及水蟲之屬苑紆阮反。劉於願反。

萍氏掌國之水禁。

水禁謂水中害人之處及入水捕魚鼈不時捕音步。

幾酒

苛察沽買過多及非時者詩音何又呼何反沽音姑又音改買如字一本作買

謹酒

使民節用酒也書酒誥曰有政有事無彝酒

禁川游者

備波洋卒至沈溺也等音類又音羊卒寸忽反

司寤氏掌夜時

夜時謂夜晚早若今甲乙至戊

以星分夜以詔夜士夜禁

夜士主行夜微候者如今都候之屬行下孟反下行夜同微吉形反

禦晨行者禁宵行者夜遊者

備其遭寇害及謀非公事禦亦禁也謂遏止之無刑濩也晨先

周禮秋官

萍氏 司寤氏 司烜氏

美

明也宵定昏也書曰宵中星虛春秋傳曰夜中星隕如雨先悉厲反隕于

反敏

司烜氏掌以夫遂取明火于日以鑿取明水于月以其祭祀之明

盥明燭其明水

夫遂陽遂也鑿鏡屬取水者世謂之方諸取日之火月之水欲

得陰陽之潔氣也明燭以照饌陳明水以為元酒鄭司農云未

發聲明盥謂以明水滌滌黍盛黍稷夫方符反或云司農音符聲音實注作案同

凡邦之大事其墳燭庭燎

故書墳為黃鄭司農云黃燭麻燭也元謂墳大也樹於門外曰

大燭於門內曰庭燎皆所以照眾為明墳快云反燎力召反擊扶云反季一音婦聲反

中春以木鐸脩火禁于國中

為季春將出火也火禁謂用火之處及備風燥中音仲為子傷反下為葬音為同燥素早反又

素鞞

軍旅脩火禁邦若屋誅則為明竈焉

鄭司農云屋誅謂夷三族無親屬收葬者故為葬之也三夫為

屋一家田為一夫以此知三家也元謂屋讀如其刑劇之劇劇

誅謂所殺不於市而以適甸師氏者也明竈若今揭頭明書其

罪法也司烜掌明竈則罪人夜葬與

竈昌鏡反劉徐音屋劉音掘與音餘

條狼氏掌執鞭以趨辟王出入則八人夾道公則六人侯伯則四  
人子男則二人

趨辟趨而辟行人若今卒辟車之為也孔子曰富而可求雖執

鞭之士吾亦為之言士之賤也

趨七須反辟婢亦反又音避劉薄易反徐扶亦反注趨辟辟行人同卒子忽反下美辛同辟車

必亦反又婢亦反

凡誓執鞭以趨于前且命之誓僕右曰殺誓馭曰車轅誓大夫曰

周禮秋官

司烜氏 條狼氏 修閭氏

三

敢不關鞭五百誓師曰三百誓邦之大史曰殺誓小史曰墨

前謂所誓眾之行前也有司讀誓辭則大言其刑以警所誓也

誓者謂出軍及將祭祀時也出軍之誓誓左右及馭則書之甘

誓備矣郊特牲說祭祀之誓曰卜之日王立于澤親聽誓命受

教諫之義也車轅謂車裂也師樂師也大史小史主禮事者鄭

司農云誓大夫曰敢不關謂不關於君也元謂大夫自受命以

出則其餘事莫不復請

轅音串反一音環大音泰注同行戶剛反誓京韻反復劉音服請劉立音情

脩閭氏掌比國中宿互標者與其國粥而比其追胥者而賞罰之

國中城中也粥養也國所游養謂羨卒也追逐寇也胥讀為脩

故書互為巨鄭司農云宿謂宿衛也巨當為互謂行馬所以障

互禁止人也標謂行夜擊標

此此志反下同宿如字劉息就反游音育道如去劉張類反脩音膏又息呂反

禁徑踰者與以兵革趨行者與馳騁于國中者

皆爲其惑眾。

邦有故，則令守其閭，互唯執節者不幾。

令者令其閭內之閭胥里宰之屬。中書來不顯其職。又出河

冥氏，掌設弧張。

弧張，鼈甲之屬，所以扃絹禽獸。冥首見，鼈鳥容反，劉上凶反，音澤，局古。樊反，絹，古大反。音古，懸反，魏氏注同。

爲阱，獲以攻猛獸，以靈鼓，馭之。

靈鼓，六面鼓，馭之，使驚趨阱，獲。馭，丘于反，後同。天，其，浪，食，之，說，其，穴，也。

若得其獸，則獻其皮革，齒，須備。

鄭司農云：須，直謂頤下須，備謂搔也。搔音爪。

庶氏，掌除毒蠱，以攻說禱之，嘉艸，攻之。

毒蠱，蠱物而病害人者。賊律曰：敢蠱人及教令者，棄市。攻說，祈

名，祈其神，求去之也。嘉艸，藥物，其狀未聞。攻之，謂燻之。鄭司農

周禮 秋官

修閭氏 冥氏 庶氏 穴氏 饗氏

三

云：禱，除也。元，謂此禱讀如潰，癰之潰。庶，章，預反。蠱，音古，禱，劉，音，閭，戶內反。燻，音，草，木亦作，草，令，力，皇反，去起，呂反。燻，

詩云反。

凡毆蠱，則令之比之。

使爲之。又校次之。

穴氏，掌攻蟄獸，各以其物，火之。

蟄獸，熊羆之屬，冬藏者也。將攻之，必先燒其所食之物於穴外。

以誘出之，乃可得之。

以時獻其珍異皮革。

翬氏，掌攻猛鳥，各以其物爲媒，而拑之。

猛鳥，鷹隼之屬，置其所食之物於絹中。鳥求下，則拑其脚。拑，唐綺反。注同。

隼息允反。

以時獻其羽翮。翮，戶革反。

柞氏掌攻草木及林麓

林人所養者山足曰麓

柞側百反麓音鹿

夏日至令刊陽木而火之冬日至令剝陰木而水之

刊剝互言耳皆謂斫去次地之皮生山南為陽木生山北為陰

木火之水之則使其肄不生

刊音干反去起呂反肄以四反

若欲其化也則春秋變其水火

化猶生也謂時以種穀也變其水火者乃所火則水之所水則

火之則其土和美

凡攻木者掌其政令

除木有時

菑氏掌殺草春始生而萌之夏日至而夷之秋繩而芟之冬日至

而耜之

周禮

秋官

柞氏 菑氏 若蒞氏

菑

故書萌作葦杜子春云葦當為萌謂耕反其萌芽書亦或為萌

元謂萌之者以茲其斫其生者夷之以鉤鎌迫地芟之也若今

取芟矣舍實曰繩芟其繩則實不成熟耜之以耜側凍土剡之

繩音勞以繩反注同爻所斫反葦音萌其音菑茲其繩也鎌音廉葵音爻剡初產反鉤則展反

若欲其化也則以水火變之

謂以火燒其所芟萌之草已而水之則其土亦和美矣月令季

夏燒薙行水利以殺草如以熱湯是其一時著之

掌凡殺草之政令

若蒞氏掌覆天鳥之巢

覆猶毀也天鳥惡鳴之鳥若鳴鶯覆勞復反注同天音炊後天鳥同鳴于嬌反鶯音服

以方書十日之號十有二辰之號十有一月之號十有二歲之號

二十有八星之號縣其巢上則去之



方版也。日謂從甲至癸。辰謂從子至亥。月謂從嫩至荼。歲謂從攝提格至赤奮若。星謂從角至軫。天鳥見此五者而去。其詳未

聞縣音嫩。徐劉並子須反。荼劉沈音餘。李音蘇。又音徒。按爾雅正月為暋。暋離陰所云攝提貞子孟。取皆則留反。又子侯反。爾雅又云十二月為除。百徒。今注作嫩。荼字是假借。耳。當依爾雅讀。從攝提格至赤奮若。爾雅曰。太歲在寅曰攝提格。在丑曰赤奮若。

### 翦氏掌除蠹物以攻崇攻之以莽草熏之

蠹物穿食人器物者。蠹魚亦是也。攻崇。所名莽草藥。物殺蟲者。以熏之則死。故書蠹為藥。杜子春云。藥當為毒。蠹讀于故反。攻如案。劉音貢。崇音詠。莽亡。蕩反。又

莽草藥名。蠹劉古毛反。本或作藥。他各反。

### 凡庶蠱之事

庶除毒蠱者。蠱蠱之類。或熏以莽草則去。庶章預反。

### 赤友氏掌除牆屋以蜃炭攻之以灰洒毒之

洒灑也。除牆屋者。除蟲牙藏。逃其中者。蜃大蛤也。搗其炭以坩

### 周禮

秋官

蒼族氏 翦氏 赤友氏 蜃氏 壺涿氏

旱

之則走。淳之以灑之則死。故書蜃為晨。鄭司農云。晨當為蜃。書

亦或為蜃。蜃市形反。酒色賈反。劉霽寄反。豸直氏反。坩蒲悶反。淳之純反。

### 凡墮屋除其狸蟲

狸蟲。墮肌求之屬。狸莫皆反。劉莫拜反。墮章夜反。肌居其反。求本或作蛛。音求。劉音俱。

### 蜎氏掌去鼃龜焚牡鞠以灰洒之則死

牡鞠。鞠不華者。齊魯之間。謂鼃為蜎。鼃耿龜也。蜎與耿龜尤怒

鳴。為聒人耳。去之。去起呂反。注去之。同。鼃戶媯反。鼃莫幸反。牡莫口反。鞠弓六反。為聒于僞反。聒古活反。衛救氏故此。

### 以其煙被之則凡水蟲無聲

杜子春云。假令風從東方來。則於水東面為煙。令煙西行。被之

水上。被皮義反。注同。令力呈反。下同。

### 壺涿氏掌除水蟲以炮土之鼓毆之以焚石投之

水蟲。狐蟻之屬。故書炮作泡。杜子春讀炮為苞。有苦葉之苞。元

謂燔之炮之之炮炮土之鼓瓦鼓也焚石投之使驚去。地步交反。注迫若同。

若欲殺其神則以牡樗牛貫象齒而沈之則其神死淵為陵。

神謂水神龍罔象故書樗為樗牛為五。杜子春云樗當為樗樗讀為枯枯榆木名。書或為樗。又云五貫當為牛貫。樗劉音古杜讀為杜義則音姑山榆也。梓音子本或作樗樗救居反。枯劉亦音枯案如

庭氏掌射國中之天鳥若不見其鳥獸則以救日之弓與救月之矢夜射之。

不見鳥獸謂夜來嗚呼為怪者獸狐狼之屬鄭司農云救日之弓救月之矢謂日月食所作弓矢。元謂日月之食陰陽相勝之變也。於日食則射大陰。月食則射大陽與。射食亦反下注同呼喚故反下文踴呼同音案下文同與音餘。

周禮秋官 壺冢氏 庭氏 銜枚氏 望

若神也則以大陰之弓與枉矢射之。

神謂非鳥獸之聲若或叫于宋太廟謔謔詘者大陰之弓救月之弓。枉矢救日之矢。與不言救月之弓與救日之矢者互言之救日用枉矢則救日以恒矢可知也。謔許其反詘劉音出來亦作出。

銜枚氏掌司嚚。

察嚚謹者為其聒亂在朝者之言語。嚚五羔反下同謹呼九反軌直謹反下同。

國之大祭祀令禁無嚚。 令令主祭祀者。 軍旅田役令銜枚。

為其言語以相誤。

禁詭呼歎鳴于國中者行歌哭于國中之道者。

為其惑眾相感動。嗚吟也。詭音呼吟。詭今反。

伊耆氏掌國之大祭祀其杖咸。

咸讀爲亩老臣雖杖於朝事鬼神尙敬去之有司以此亩藏之既事乃授之  
東音咸去起呂反。

軍旅授有爵者杖。

別吏卒直以扶尊者將軍杖鉞  
別彼烈反室于忽反杖直亮反又音丈鉞音越。

其王之齒杖。

王之所以賜老者之杖鄭司農云謂年七十當以王命受杖者今時亦命之爲王杖元謂王制曰五十杖於家六十杖於鄉七十杖於國八十杖於朝。

大行人掌大賓之禮及大客之儀以親諸侯。

大賓要服以內諸侯大客謂其孤卿  
要於逆反下文及注同。

春朝諸侯而圖天下之事秋覲以比邦國之功夏宗以陳天下之

周禮

秋官

伊耆良 大行人

皇

謨冬遇以協諸侯之慮時會以發四方之禁殷同以施天下之政

此六事者以王見諸侯爲文圖比陳協皆考績之言王者春見

諸侯則圖其事之可否秋見諸侯則比其功之高下夏見諸侯

則陳其謨之是非冬見諸侯則合其慮之異同六服以其朝歲

四時分來更迭如此而徧時會卽時見也無常期諸侯有不順

服者王將有征討之事則既朝王命爲壇於國外合諸侯而發

禁命事焉禁謂九伐之法殷同卽殷見也王十二歲一巡守若

不巡守則殷同殷同者六服盡朝既朝王亦命爲壇於國外合

諸侯而命其政政謂邦國之九法殷同四方四時分來歲終則

徧矣九伐九法皆在司馬職司馬法曰春以禮朝諸侯圖同事

夏以禮宗諸侯陳同謀秋以禮覲諸侯比同功冬以禮遇諸侯

圖同慮時以禮會諸侯施同政殷以禮宗諸侯發同禁  
朝直造反後皆同比。

叱志反注同春見徐賢通反或如字夏秋冬放此更音庚送宜結反偏音逼下文注皆同時見賢偏反下殷見同俊如字劉扶發反。

時聘以結諸侯之好殷覲以除邦國之慝。

此二事者亦以王見諸侯之臣使來者為文也時聘者亦無常

期天子有事諸侯使大夫來聘親以禮見之禮而遣之所以結

其恩好也天子無事則已殷覲謂一服朝之歲也慝猶惡也一

服朝之歲五服諸侯皆使卿以聘禮來覲天子天子以禮見之

命以政禁之事所以除其惡行

舒呼報反注同職通用反應。吐得反使色更反行十五反。

閒問以諭諸侯之志歸賑以交諸侯之福賀慶以贊諸侯之喜致  
禴以補諸侯之裁。

此四者王使臣於諸侯之禮也閒問者閒歲一問諸侯謂存省

之屬諭諸侯之志者諭言語諭書名其類也交或往或來者也

贊助也致禴凶禮之弔禮禴禮也補諸侯裁者若春秋澶淵之

周禮

秋官

大行人

星

會謀歸朱財

閱胡廟之閒注同服上忍反禴音會澶市然同。

以九儀辨諸侯之命等諸臣之爵以同邦國之禮而待其賓客。

九儀謂命者五公侯伯子男也爵者四孤卿大夫士也。

上公之禮執桓圭九寸纁藉九寸冕服九章建常九旒樊纓九就

貳車九乘介九人禮九牢其朝位賓主之閒九十步立當車軹擯

者五人廟中將幣三享王禮再祿而酢饗禮九獻食禮九舉出入

五積三問三勞諸侯之禮執信圭七寸纁藉七寸冕服七章建常

七旒樊纓七就貳車七乘介七人禮七牢朝位賓主之閒七十步

立當前疾擯者四人廟中將幣三享王禮壹祿而酢饗禮七獻食

禮七舉出入四積再問再勞諸伯執躬圭其他皆如諸侯之禮諸

子執穀璧五寸纁藉五寸冕服五章建常五旒樊纓五就貳車五

乘介五人禮五牢朝位賓主之閒五十步立當車軹擯者三人廟

中將幣三享。王禮壹裸不酢。饗禮五獻。食禮五舉。出入三積。壹問壹勞。諸男執蒲璧。其他皆如諸子之禮。

繅藉以五采韋衣板若奠玉。則以藉之。冕服著冕所服之衣也。九章者自山龍以下。七章者自華蟲以下。五章者自宗彝以下。也。常旌旗也。旒其屬。慘垂者也。樊纓馬飾也。以鬪飾之。每一處五采備爲一就。就成也。貳副也。介輔已行禮者也。禮大禮饗餼也。三牲備爲一牢。朝位謂大門外。賓下車及王車出迎所立處也。王始立大門內。交擯三辭。乃乘車而迎之。齊僕爲之節。上公立當軹。侯伯立當疾。子男立當衡。王立當軫。與廟受命祖之廟也。饗設盛禮以飲賓也。問問不恙也。勞謂苦倦之也。皆有禮以幣致之。故書裸作果。鄭司農云。車軹軹也。三享三獻也。裸讀爲灌。再灌再飲公也。而酢報飲王也。舉舉樂也。出入五積謂饋之芻米也。前疾謂駟馬車轅前。胡下垂柱地者。元謂三享皆束帛加璧。庭實惟國所有。朝士儀曰。奉國地所出重物而獻之。明臣職也。朝先享。不言朝者。朝正禮不嫌有等也。王禮主以鬱鬯禮賓也。鬱人職曰。凡祭祀賓客之裸事。和鬱鬯以實彝而陳之。禮者使宗伯攝酌圭瓚而裸王。既拜送爵。又攝酌璋瓚而裸。后又拜送爵。是謂再裸。再裸賓乃酢王也。禮侯伯一裸而酢者。裸賓賓酢王而已。后不裸也。禮子男一裸不酢者。裸賓而已。不酢王也。不酢之禮。聘禮禮賓是與。尤舉舉牲體九飯也。出入

周禮

秋官

大行人

器

訖去也。每積有牢。禮米禾芻薪。凡數不同者。皆降殺。

繅音縗。皆在衣。以下及注同。海。

音留。下同。樊酢王。反。下同。乘繩。繩。反。下同。介音。介。下。及注同。軹。之。反。或。居。氏。反。纒。必。刃。反。後。皆。同。裸。古。亂。反。酢。才。洛。反。食。音。嗣。下。及注。皆。同。積。子。賜。反。後。皆。同。勞。老。報。反。下。及注。同。行。人。司。儀。職。放。此。信。音。申。後。信。主。同。表。於。醜。反。著。丁。略。反。鬯。章。王。反。修。音。彩。鬪。居。例。反。齋。則。昏。反。與。音。餘。下。是。與。音。步。與。皆。同。飯。於。炊。反。下。同。慈。羊。向。反。餽。本。又。作。饋。球。位。反。徐。紀。良。反。柱。張。羅。反。極。扶。晚。反。殺。色。界。反。

凡大國之孤執皮帛以繼小國之君出入三積不問壹勞朝位當車前不交擯廟中無相以酒禮之其他皆眡小國之君

此以君命來聘者也孤尊既聘享更自以其贄見執束帛而已豹皮表之爲飾繼小國之君言次之也朝聘之禮每國畢乃前不交擯者不使介傳辭交于王之擯親自對擯者也廟中無相介皆入門西上而立未前相禮者聘之介是與以酒禮之酒謂齊酒也相之不用鬱鬯耳其他謂貳車及介牢禮賓主之間擯

者將幣裸酢饗食之數

朝見亮反建同李息天反饗奉又作贄音至見賢通  
屈下文壹見而見之朝見皆同饗直專反齊才計反

凡諸侯之卿其禮各下其君二等以下及其大夫士皆如之

此亦以君命來聘者也所下其君者介與朝位賓主之間也其餘則自以其爵聘義曰上公七介侯伯五介子男三介是謂使卿之聘之數也朝位則上公七十步侯伯五十步子男三十步

周禮 秋官

大行人

壘

與。下。戶。嫁。  
反注同。

邦畿方千里其外方五百里謂之侯服歲壹見其貢祀物又其外方五百里謂之甸服二歲壹見其貢嬪物又其外方五百里謂之男服三歲壹見其貢器物又其外方五百里謂之采服四歲壹見其貢服物又其外方五百里謂之衛服五歲壹見其貢材物又其外方五百里謂之要服六歲壹見其貢貨物

要服蠻服也此六服去玉城三千五百里相距方七千里公侯伯子男封焉其朝貢之歲四方各四分趨四時而來或朝春或宗夏或覲秋或遇冬祀貢者犧牲之屬故書嬪作頻鄭司農云

嬪物婦人所爲物也爾雅曰嬪婦也元謂嬪物絲枲也器物尊彝之屬服物元纁締纊也材物八材也貨物龜貝也

嬪婦人反婦物之反劉種履定

纁音贖徐  
劉古贖反。

九州之外謂之蕃國世壹見各以其所貴寶爲摯

九州之外夷服鎮服蕃服也。曲禮曰：其在東夷北狄西戎南蠻雖大曰子。春秋傳曰：杞伯也。以夷禮故曰子。然則九州之外其君皆子男也。無朝貢之歲。父死子立及嗣王即位。乃一來耳。各以其所貴寶爲摯。則蕃國之君無執玉瑞者。是以謂其君爲小賓。臣爲小客。所貴寶見傳者若犬戎獻白狼白鹿是也。其餘則周書王會備焉。見賢遍反。音見如字。傳直懸反。又直專反。

王之所以撫邦國諸侯者。歲徧存。三歲徧覲。五歲徧省。七歲屬象。胥諭。言語協辭命。九歲屬瞽史。詠書名聽聲音。十有一歲達瑞節。同度量。成牢禮。同數器。脩灋則。十有二歲王巡守殷國。

撫猶安也。存覲省者。王使臣於諸侯之禮。所謂開問也。歲者巡守之明歲以爲始也。屬猶聚也。自五歲之後遂開歲徧省也。七

周禮 秋官

大行人

吳

歲省而召其象胥。九歲省而召其瞽史。皆聚於天子之宮。教習之也。故書協辭命。作叶詞命。鄭司農云：象胥譯官也。叶當爲汁。詞當爲辭。書或爲叶辭命。元謂胥讀爲請。王制曰：五方之民。言語不通者。慾不同。達其志。通其慾。東方曰寄。南方曰象。西方曰狄。鞮北方曰譯。此官正爲象者。周始有越重譯而來獻。是因通言語之官爲象胥云。請謂象之有才知者也。辭命六辭之命也。瞽樂師也。史。太史小史也。書。名書文字也。古曰名。聘禮曰：百名以上。至十一歲。又徧省焉。度丈尺也。量。豆區釜也。數器銓衡也。灋。八灋也。則。八則也。達。同成脩。皆謂齋其灋式。行至則齊等之也。成。卒也。平。其僭踰者也。王巡守諸侯。會者各以其時之方書

曰。遂覲。東后是也。其殷國。則四方四時分來。如平時。屬徐劉皆章束反。下及下同。叶音協。詞音辭。譯音亦汁之十反。叶也。又音協。請思敏反。書。市志反。從。音欲。未多作。後。變。子。兮。區。重。音。龍。反。預。音。留。上。時。掌。反。瀘。子。兮。反。

凡諸侯之王事辨其位正其等協其禮賓而見之

王事以王之事來也詩云莫敢不來王孟子曰諸侯有王黃劉云應言攝

小行人職同

若有大喪則詔相諸侯之禮

相息亮詔相左右教告之也反注同

若有四方之大事則受其幣聽其辭

四方之大事謂國有兵寇諸侯來告急者禮動不虛皆有贊幣以崇敬也受之以其事入告王也聘禮曰若有言則以束帛如

享禮

凡諸侯之邦交歲相問也殷相聘也世相朝也

小聘曰問殷中也久無事又於殷朝者及而相聘也父死子立曰世凡君即位大國朝焉小國聘焉此皆所以習禮考義正刑

周禮秋官

大行人 小行人

望

一德以尊天子也必擇有道之國而就脩之鄭司農說殷聘以春秋傳曰孟僖子如齊殷聘是也

小行人掌邦國賓客之禮籍以待四方之使者

禮籍名位尊卑之書使者諸侯之臣使來者也使也更反注同後使者使適使之四方竹使便

臣皆同

令諸侯春入貢秋獻功王親受之各以其國之籍禮之

貢六服所貢也功考績之功也秋獻之若今計文書斷於九月其舊法

凡諸侯入王則逆勞于畿

鄭司農云入王朝於王也故春秋傳曰宋公不王又曰諸侯有王王有巡守

及郊勞眠館將幣為承而擯



眠館致館也承猶丞也王使勞賓於郊致館於賓至將幣使宗伯爲上擯皆爲之丞而擯之。眠音視。

凡四方之使者大客則擯小客則受其幣而聽其辭。

擯者擯而見之王使得親言也受其幣者受之以入告其所爲

來之事爲子爲反。

使適四方協九儀賓客之禮朝覲宗遇會同君之禮也存覲省聘問臣之禮也。

適之也協合也。

達天下之六節山國用虎節土國用人節澤國用龍節皆以金爲之道路用旌節門關用符節都鄙用管節皆以竹爲之。

此謂邦國之節也達之者使之四方亦皆齋法式以齊等之也諸侯使臣行規聘則以金節授之以爲行道之信也虎人龍者

周禮秋官

小行人

吳

自其國象也道路謂鄉遂大夫也都鄙者公之子弟及卿大夫之采地之吏也凡邦國之民遠出至他邦他邦之民若來入由國門者門人爲之節由關者關人爲之節其以徵令及家徒鄉遂大夫及采地吏爲之節皆使人執節將之以達之亦有期以反節管節如今之竹使符也其有商者通之以符節如門關門關者與市聯事節可同也亦所以異於畿內也凡節有天子法式存於國。

成六瑞王用璜圭公用桓圭侯用信圭伯用躬圭子用穀璧男用蒲璧。

成平也瑞信也皆朝見所執以爲信璜劉注電反按王執璜圭璜宜作鎮音

合六幣圭以馬璋以皮璧以帛琮以錦琥以繡璜以黼此六物者以和諸侯之好故。

合同也。六幣所以享也。五等諸侯。享天子用璧。享后用琮。其大各如其瑞。皆有庭實。以馬若皮。皮。虎豹皮也。用圭璋者。二王之後也。二王後尊。故享用圭璋而特之。禮器曰。圭璋特義。亦通於此。其於諸侯。亦用璧琮耳。子男於諸侯。則享用琥璜。下其瑞也。凡二王後諸侯。相享之玉。大小各降其瑞一等。及使卿大夫覲聘。亦如之。瑞才宗反。琥音虎。璜音黃。玆音載反。

若國札喪。則令賻補之。若國凶荒。則令賙委之。若國師役。則令棺禱之。若國有福事。則令慶賀之。若國有禍裁。則令哀弔之。凡此五物者。治其事故。

故書賻作傅。棺作梟。鄭司農云。賻補之。謂賻喪家。補助其不足也。若今時一室二尸。則官與之棺也。梟當為犒。謂犒師也。元謂師役者。國有兵寇。以賈病者也。使鄰國合會財貨。以與之。春秋

周禮 秋官

小行人 司儀

冕

定五年。夏。歸粟於蔡是也。宗伯職曰。以禴禮哀圍敗。禍裁。水火

槁若報反。禴音會。粟古老反。

及其萬民之利害。爲一書。其禮俗政事。教治刑禁之逆順。爲一書。其悖逆暴亂。作慝。猶犯令者。爲一書。其札喪凶荒。厄貧。爲一書。其康樂和親。安平。爲一書。凡此五物者。每國辨異之。以反命于王。以周知天下之故。

慝惡也。猶圖也。治直吏反。樂音洛。

司儀 掌九儀之賓客。擯相之禮。以詔儀容。辭令。揖讓之節。

出接賓曰擯。入贊禮曰相。以詔者。以禮告王。相音亮反。此職內經注。除相爲賓。相朝。相摯。相親。相

隨相待。相爲國客。相聘相禮皆同。

將合諸侯。則令爲壇三成。宮旁一門。

合諸侯。謂有事而會也。爲壇于國外。以命事。宮謂境土。以爲牆。

處所謂爲壇壇宮也天子春帥諸侯拜日於東郊則爲壇於國東夏禮日於南郊則爲壇於國南秋禮山川邱陵於西郊則爲壇於國西冬禮月四賈於北郊則爲壇於國北既拜禮而還加方明於壇上而祀焉所以教尊尊也覲禮曰諸侯覲於天子爲宮方三百步四門壇十有二等深四尺是也王巡守殷國而同則其爲宮亦如此與鄭司農云三成三重也爾雅曰邱一成爲敦邱再成爲陶邱三成爲昆侖邱謂三重地推癸反劉欲鬼反與音餘下尺與同重直龍反下三重重耳同敦音頓沈又都門反胸徒力反於爾力門反

### 詔王儀南鄉見諸侯土揖庶姓時揖異姓天揖同姓

謂王既祀方明諸侯上介皆奉其君之旂置於宮乃詔王升壇諸侯皆就其旂而立諸公中階之前北面東上諸侯東階之東西面北上諸伯西階之西東面北上諸子門東北面東上諸男

### 周禮

秋官

司儀

乎

門西北面東上王揖之者定其位也庶姓無親者也土揖推手小下之也異姓昏姻也時揖平推手也衛將軍文子曰獨居思仁公言言義其聞詩也一日三復白圭之玷是南宮縚之行也夫子信其仁以爲異姓故妻之也天揖推手小舉之復音服或芳服反玷子簪反沈

都念反縚吐刀反行下孟反

### 及其擯之各以其禮公于上等侯伯于中等子男子下等

謂執玉而前見於王也擯之各以其禮者謂擯公者五人侯伯四人子男三人也上等等中等下等者謂所奠玉處也壇三成深四尺則一等等一尺也壇十有二等方九十六尺則堂上二丈四尺每等丈二尺與諸侯各於其等奠玉降拜升成拜明臣禮也

既乃升堂授王玉見賢遍反

### 其將幣亦如之其禮亦如之

將幣享也禮請以鬱鬯禘之也皆於其上。

王燕則諸侯毛。

謂以須髮坐也朝事尊尊上爵燕則親親上齒鄭司農云謂老  
者在上也老者二毛故曰毛。毛謂須髮也劉  
本作養首毛

凡諸公相為賓。

謂相朝也。

主國五積三問皆三辭拜受皆旅擯再勞三辭三揖登拜受拜送  
賓所停止則積問闕則問行道則勞其禮皆使卿大夫致之從  
來至去數如此也三辭辭其以禮來於外也積問不言登受之  
於庭也鄭司農云旅讀為旅於泰山之旅謂九人傳辭相授於  
上下竟問賓從末上行介還受上傳之元謂旅讀為鴻臚之臚  
臚陳之也賓之介九人使者七人皆陳擯位不傳辭也賓之上

周禮

秋官

司儀

至

介出請使者則前對位皆當其末擯焉三揖謂庭中時也拜送

送使者。旅如字又音臚分於反傳直專反下除春  
秋傳皆同末上時掌反下上傳上車同。

主君郊勞交擯三辭車逆拜辱三揖三辭拜受車送三還再拜。

主君郊勞備三勞而親之也鄭司農云交擯三辭謂賓主之擯  
者俱三辭也車逆主人以車迎賓於館也拜辱賓拜謝辱也元  
謂交擯者各陳九介使傳辭也車逆拜辱者賓以主君親來乘  
車出舍門而迎之若欲遠就之然見之則下拜迎謝其自屈辱  
來也至去又出車若欲遠送然主君三還辭之乃再拜送之也  
車送迎之節各以其等則諸公九十步立當車軹也三辭重者  
先辭辭其以禮來於外後辭辭升堂。

致館亦如之。

館舍也便大夫授之君又以禮親致焉。

致飧如致積之禮。

俱使大夫。禮同也。飧，食也。小禮曰飧。大禮曰饗。饗，餼也。

反下同。

及將幣，交擯三辭，車逆，拜辱賓，車進，客拜，三揖，三讓，毋門止，一相及廟，唯上相入，賓三揖，三讓，登，再拜，授幣，賓拜，送幣，每事如初，賓亦如之。及出，車送，三請，三進，再拜，賓三還，三辭，告辟。

鄭司農云：交擯，擯者交也。賓車進，答拜，賓上車進，主人乃答其拜也。及出，車送，三請，主人三請，留賓也。三進，進隨賓也。賓三還

三辭，告辟，賓三還，辭謝言已辟去也。元謂既三辭，主君則乘車出大門而迎賓，見之而下，拜其辱，賓車乃前下答拜也。三揖者

相去九十步，揖之使前也。至而三讓，讓入門也。相謂主君擯者及賓之介也。謂之相者，於外尊辭耳。入門當以禮詔，侑也。介紹而傳命者，君子於其所尊不敢質，敬之至也。每門止，一相，彌相

周禮

秋官

司儀

至

親也。君入門，介拂闕，大夫中根與闕之間，士介拂棖，此為介屬行相隨也。止之者，絕行在後耳。賓三揖，三讓，讓升也。登，再拜，授幣，授當為受。主人拜至，且受玉也。每事如初，謂享及有言也。賓當為饋，謂以鬱鬯禮賓也。上於下曰禮，敵者曰饋，禮器曰諸侯相朝，灌用鬱鬯，無籩豆之薦，謂此朝禮畢，饋賓也。二請，三進，請賓就車也。主君每一請，車一進，欲遠送之也。二還，三辭，主君一請者，賓亦一還一辭。

授依注音受賓亦依注音擯，賓使者同辭音避，劉薄歷反注。下同。客辟三辟，趨辟放此。已辟音避，侑音又，闕魚列反，棖直庚。

反行戶剛反。

致饗餼，還圭饗食，致贈，郊送，皆如將幣之儀。

此六禮者，惟饗食速賓耳。其餘主君親往親往者，賓為主人，主人為賓，君如有故，不親饗食，則使大夫以酬幣，侑幣致之。鄭司農云：還圭，歸其玉也。故公子重耳受飧，反璧，元謂聘以圭璋禮

也。享以璧琮財也。已聘而還圭璋，輕財而重禮，贈送以財，既贈

又送至于郊。還音環，又音旋，食首餽，凡饗饗食皆同。

### 賓之拜禮，拜饗餼，拜饗食。

鄭司農云：賓之拜禮者，因言賓所當拜者之禮也。所當拜者，拜饗餼，拜饗食。元謂賓將去，就朝拜謝此三禮。二禮禮之重者也。賓既拜，主君乃至館贈之，去又送之于郊。

### 賓繼主君皆如主國之禮。

鄭司農云：賓繼主君復主人之禮費也。故曰：皆如主國之禮。元謂繼主君者，債主君也。債之者，主君郊勞致館饗餼，還圭贈郊送之時也。如其禮者，謂玉帛皮馬也。有饌陳之積者，不如也。若饗食，主君及燕，亦速焉。費芳味反。

### 諸侯諸伯諸子諸男之相為賓也，各以其禮相待也。如諸公之儀。

### 周禮

秋官

司儀

五

賓主相待之儀，與諸公同也。饗餼饗食之禮，則有降殺。殺，色用反。下，豊殺則。

殺及後殺禮皆同。

### 諸公之臣相為國客。

謂相聘也。

### 則三積皆三辭拜受。

受者受之於庭也。侯伯之臣不致積。

及大夫郊勞，旅擯三辭拜辱，三讓登聽命下拜，登受。賓使者如初之儀及退拜送。

登聽命賓登堂也。賓當為債，勞用束帛，債用束錦。侯伯之臣受

勞於庭。

### 致館如初之儀。

如郊勞也。不債耳。侯伯之臣致館于庭，不言致餼者，君於聘大

夫不致餼也聘禮曰餼不致賓不拜。

及將幣旅擯三辭拜逆客辟三揖每門止一相及廟唯君相入三讓客登拜客三辟授幣下出每事如初之儀

客辟遂巡不答拜也惟君相入客臣也相不入矣拜主君拜客至也客三辟三退負序也每事享及有言遂也句反

及禮私面私獻皆再拜稽首君答拜。

禮以禮禮客私面私覲也既覲則或有私獻者鄭司農說私面以春秋傳曰楚公子棄疾見鄭伯以其乘馬私面

出及中門之外問君客再拜對君拜客辟而對君問大夫客對君勞客客再拜稽首君答拜客趨辟

中門之外即大門之內也問君曰君不恙乎對曰使臣之來寡君命臣于庭問大夫曰二三子不恙乎對曰寡君命使臣于庭

周禮秋官

司儀

番

二三子皆在勞客曰道路悠遠客甚勞勞介則曰二三子甚勞

問君客再拜對者為敬慎也客甚勞如室下甚勞勞辱同

致饗餼如勞之禮饗食還圭如將幣之儀

饗食亦謂君不親而使大夫以幣致之

君館客客辟介受命遂送客勿拜辱于朝

君館客者客將去就省之盡殷勤也遂送君拜以送客初本亦作從同才用反

明日客拜禮賜遂行如入之積

禮賜謂乘禽君之加惠也如入之積則三積從來至去乘續垂反下乘皮同

凡侯伯子男之臣以其國之爵相為客而相禮其儀亦如之

爵卿也大夫也士也

凡四方之賓客禮儀辭命飭牢賜獻以二等從其爵而上下之

上下猶豐殺也其時掌反

凡賓客送逆同禮。

謂郊勞郊送之屬。

凡諸侯之交各稱其邦而為之幣以其幣為之禮。

幣享幣也於大國則豐於小國則殺主國禮之如其豐殺謂賄

用束紡禮用玉帛乘皮及贈之屬。稱尺證反紡並左反。

凡行人之儀不朝不夕不正其主面亦不肯容。

謂擯相傳辭時也不正東鄉不正西鄉常視賓主之前卻得兩

鄉之而已。朝知字又直遙反背音佩鄉許亮反下同。

行夫掌邦國傳遽之小事媿惡而無禮者凡其使也必以旌節雖道有難而不時必達。

傳遽若今時乘傳騎驛而使者也媿福慶也惡喪荒也此事之

小者無禮行夫主使之道有難謂遭疾病他故不以時至也必

周禮秋官

司儀 行夫 環人

壘

達王命不可廢也其大者有禮大小行人使之有故則介傳命

不嫌不達。傳疾總反注同遽其庶反使色吏反注及下同難乃旦反注同傳直音反寡音職同。

居于其國則掌行人之勞辱事焉使則介之。

使謂大小行人也故書曰夷使鄭司農云夷使使於四夷則行

夫主為之介元謂夷發聲。焉劉音夷。

環人掌送逆邦國之通賓客以路節達諸四方。

通賓客以常事往來者也路節旌節也四方圻上。

舍則授館令聚櫜有任器則令環之。

令令野廬氏也鄭司農云四方人有任器者則環人主令狗環

守之。狗徐音循或辭從反。

凡門關無幾送逆及疆。

鄭司農云門關不得苛畱環人也元謂環人送逆之則賓客出



入不見幾驢居良反奇音何又呼何反

象胥掌蠻夷閩貉戎狄之國使掌傳王之言而諭說焉以和親之

謂蕃國之臣來覲聘者  
蘭亡巾反又音文務亡百反使所吏反

若以時入賓則協其禮與其辭言傳之

以時入賓謂其君以世一見來朝為賓者  
見賢通反

凡其出入送逆之禮節幣帛辭令而賓相之

從來至去皆為擯而相侑其禮儀  
賓官擯下同息亮反下同

凡國之大喪詔相國客之禮儀而正其位

客謂諸侯使臣來弔者

凡軍旅會同受國客幣而賓禮之

謂諸侯以王有軍旅之事使臣奉幣來問

凡作事王之大事諸侯次事卿次事大夫次事上士下事庶子

周禮秋官

象胥 掌客

美

作使也鄭司農云王之大事諸侯使諸侯執大事也次事卿使卿執其次事也次事使大夫次事使上士下事使庶子

掌客掌四方賓客之牢禮餼獻飲食之等數與其政治

政治邦新殺禮之屬  
治首吏反注同

王合諸侯而饗禮則具十有二牢庶具百物備諸侯長十有再獻

饗諸侯而用王禮之數者以公侯伯子男盡在是兼饗之莫敵

用也諸侯長九命作伯者也獻公侯以下如其命數  
長丁丈反注同敵子歷反

王巡守般國則國君膳以牲犢令百官百姓皆具從者三公眡上

公之禮卿眡侯伯之禮大夫眡子男之禮士眡諸侯之卿禮庶子

壹眡其大夫之禮

國君者王所過之國君也犢繭粟之犢也以膳天子貴誠也牲孕天子不食也祭帝不用也凡賓客則皆角尺令者掌客令主

國也。百姓皆具。言無有不具備。從才用區。下注從  
賓同。藹古典反。

凡諸侯之禮。上公五積。皆眠飧牽。三問。皆脩羣介。行人宰史皆有  
牢。飧五牢。食四十。簠十。豆四十。鉶四十。有二壺。四十。鼎。簋十。有  
牲三十。有六。皆陳饗餼九牢。其死牢如飧之陳。牽四牢。米百。有  
十。簋醢醢百。有二十。甕。車皆陳。車米。眠生牢。牢十車。車乘有五。數  
車。禾。眠死牢。牢十車。車二秬。芻薪倍禾。皆陳。乘禽。日九十雙。般膳  
大牢。以及歸。三饗。三食。三燕。若弗酌。則以幣致之。凡介。行人。宰。史  
皆有飧饗餼。以其爵等爲之。牢禮之陳數。唯上介有禽獻。夫人致  
禮。八壺。八豆。八籩。膳大牢。致饗大牢。食大牢。卿皆見以羔。膳大牢。  
侯伯四積。皆眠飧牽。再問。皆脩飧四牢。食三十。有二。簋八。豆三十。  
有二。鉶二十。有八。壺三十。有二。鼎。簋十。有二。腥二十。有七。皆陳饗  
餼七牢。其死牢如飧之陳。牽三牢。米百。簋醢醢百。甕。皆陳。米三十。

周禮

秋官

掌客

卷

車。禾四十車。芻薪倍禾。皆陳。乘禽。日七十雙。般膳大牢。三饗。再食。  
再燕。凡介。行人。宰史。皆有飧饗餼。以其爵等爲之。禮。唯上介有禽  
獻。夫人致禮。八壺。八豆。八籩。膳大牢。致饗大牢。卿皆見以羔。膳特  
牛。子男三積。皆眠飧牽。壹問。以脩。飧三牢。食二十。有四。簋六。豆二  
十。有四。鉶十。有八。壺二十。有四。鼎。簋十。有二。牲十。有八。皆陳饗餼  
五牢。其死牢如飧之陳。牽二牢。米八十。簋醢醢八十。甕。皆陳。米二  
十車。禾三十車。芻薪倍禾。皆陳。乘禽。日五十雙。壹饗。壹食。壹燕。凡  
介。行人。宰史。皆有飧饗餼。以其爵等爲之。禮。唯上介有禽獻。夫人  
致禮。六壺。六豆。六籩。膳眠。致饗。親見。卿皆膳。特牛。

積皆視飧牽。謂所共如飧。而牽牲以往。不殺也。不殺則無鉶。鼎

簋。簋之實。其米。實于筐。豆。實實于甕。其設筐陳于楹內。甕陳于  
楹外。牢陳于門。西車。米禾芻薪。陳于門外。壺之有無。未聞。三問

皆脩脩脯也。上公三問皆脩。下句云羣介行人宰史皆有牢。君用脩而臣有牢。非禮也。蓋著脫字失處。且誤耳。餼客始至。致小禮也。公侯伯子男。餼皆飴一牢。其餘牢則腥。食者。其庶羞美可食者也。其設蓋陳于楹外東西。不過四列。簠稻梁器也。公十簠。堂上六。西夾東夾各二也。侯伯八簠。堂上四。西夾東夾各二。子男六簠。堂上二。西夾東夾各二。豆。菹醢器也。公四十二豆。堂上十六。西夾東夾各十二。侯伯三十二豆。堂上十二。西夾東夾各十。子男二十四豆。堂上十二。西夾東夾各六。禮器曰天子之豆二十有六。諸公十有六。諸侯十有二。上大夫八。下大夫六。以聘禮差之。則堂上之數。與此同。銅羹器也。公銅四十二。侯伯二十八。子男十八。非衰差也。二十八。書或爲二十四。亦非也。其於衰。公又當三十。於言又爲無施。禮之大數。銅少於豆。推其衰。公銅四十二。宜爲三十八。蓋近之矣。則公銅堂上十八。西夾東夾各十。侯伯堂上十二。西夾東夾各八。子男堂上十。西夾東夾各四。壺。酒器也。其設於堂夾。如豆之數。鼎。牲器也。簠黍稷器也。鼎十有二。者。飴一牢。正鼎九。與陪鼎三。皆設于西階前。簠十二者。堂上八。西夾東夾各二。合言鼎簠者。牲與黍稷俱食之主也。牲當爲腥聲之誤也。腥謂腥鼎也。於侯伯云腥二十有七。其故腥字也。諸侯禮盛。腥鼎有鮮魚鮮腊。每牢皆九爲列。設于阼階前。公腥鼎三十六。腥四牢也。侯伯腥鼎二十七。腥三牢也。子男腥鼎十八。腥二牢也。皆陳陳列也。餼門內之實備于是矣。亦有車米禾芻薪。公餼五牢。米二十車。禾三十車。侯伯四牢。米禾皆二十車。子男三牢。米十車。禾二十車。芻薪皆倍其禾。饗餼既相見。致大禮也。大者既兼餼積。有生有腥。有孰餘又多也。死牢如餼之陳。

周禮

秋官

掌客

五

亦飴一牢在西餘腥在東也牽生牢也陳于門西如積也米橫陳于中庭十爲列每筥半斛公侯伯子男黍梁稻皆二行公稷六行侯伯稷四行子男二行醢醢夾碑從陳亦十爲列醢在碑東醢在碑西皆陳於門內者於公門內之陳也言車者衍字耳車米載米之車也聘禮曰十斗曰斛十六斗曰簋十簋曰秉每車秉有五簋則二十四斛也禾稟實并刈者也聘禮曰四秉曰筥十筥曰緦十緦曰秬每車三秬則三十緦也緦猶束也米禾之秉筥字同數異禾之秉手把耳筥讀爲棟柶之柶謂一稱也皆陳橫陳門外者也米在門東禾在門西芻薪雖取數於禾薪從米芻從禾也乘禽乘行羣處之禽謂雉鳩之屬於禮以雙爲數殷中也中又致膳示念賓也若弗酌謂君有故不親饗食燕也不饗則以酬幣致之不食則以侑幣致之凡介行人宰史衆

周禮

秋官

掌客

羌

臣從賓者也行人主禮宰主具史主書皆有飡饗餼尊其君以及臣也以其爵等爲之牢禮之陳數爵卿也則飡二牢饗餼五牢大夫也則飡大牢饗餼三牢士也則飡少牢饗餼大牢也此降小禮豐大禮也以命數則參差難等略於臣用爵而已夫人致禮助君養賓也籩豆陳於戶東壺陳於東序凡夫人之禮皆使下大夫致之於子男云膳視致饗言夫人致膳於小國君以致饗之禮則是不復饗也饗有壺酒卿皆見者見於賓也既見之又膳之亦所以助君養賓也卿見又膳此聘禮卿大夫勞賓餼賓之類與於子男云親見卿皆膳特牛見讀如卿皆見之見言卿於小國之君有不故造館見者故造館見者乃致膳鄭司農說牽云牲可牽行者也故春秋傳曰餼牽竭矣秬讀爲秬秬麻笞之秬

劉音刑牲三十依注牲音星下牲十有八受牲禮同筥姜呂反雞烏弄反數黍口反劉色纒反秬字故反或文加反乘施監反下及注同音善嗣下食大牢再

食壹注不食同見發遍反注下除相見見讀皆同餽而甚反來古洽反劉古協反下同寡初危反下同善初佳反又初宜反陸音襄行戶剛反下六行四行二行皆同從子容反葉古老反拊必政反又必盈反祕木又作饜子工反李文音地把必馬反梶音巴嬌才計反委勃欬反差初宜反後扶又反勞老報反遣七報反棟徐音棟劉祖禮反

凡諸侯之卿大夫士為國客則如其介之禮以待之

言其特來聘問待之禮如其為介時也然則聘禮凡所以禮賓是亦禮介

禮。凡禮賓客國新殺禮凶荒殺禮札喪殺禮禍裁殺禮在野在外殺

皆為國省用愛費也國新新建國也凶荒無年也禍裁新有兵

寇水火也為子倫反下同費勇味反

凡賓客死致禮以喪用

死則主人為之具而殯矣喪用者饋奠之物

賓客有喪惟芻稍之受

周禮秋官

掌客 掌訝

卒

不受饗食饗食加也喪謂父母死也客則又有君焉芻給牛馬

稍人稟也其正禮餼饗餼主人致之則受稗所教反舊疎詔反

遭主國之喪不受饗食受牲禮

牲亦當為腥聲之誤也有喪不忍煎烹正禮餼饗餼當孰者腥

致之也煎子然反劉子賤反烹善庚反劉音善反

掌訝掌邦國之等籍以待賓客

等九儀之差數

若將有國賓客至則戒官修委積與士逆賓于疆為前驅而入

官請牛人羊人舍人委人之屬士訝士也既戒乃出迎賓

及宿則令聚橐

令令野廬氏廬方於反

及委則致積

以王命致于賓。

至于國賓入館。次于舍門外。待事于客。

次。如今官府門外更衣處待事于客。通其所求索。索色白反。

及將幣爲前驅。

道之以如朝。道音導下文注道之通賓道王同。

至于朝詔其位。入復及退亦如之。

鄭司農云詔其位告客以其位次也。入復客入則掌訝出復其故位也。客退復入迎爲之前驅。至于館也。元謂入復者入告王

以客至也。退亦如之。如其爲前驅。退復扶又反爲於僞反亦如字。

凡賓客之治。令訝訝治之。

賓客之治謂欲正其貢賦理國事也。以告訝。訝爲如朝而理之。

治直吏反注下同爲于僞反下注爲同。

周禮 秋官

掌訝 掌交

空

凡從者出則使人道之。

從者凡介以下也。人其屬胥徒也。使道賓客之從者營護之。從才

用反。注同。

及歸送亦如之。

如之者送至於竟如其前驅聚櫟待事之屬。竟音境。

凡賓客諸侯有卿訝。卿有大夫訝。大夫有士訝。士皆有訝。

此謂朝覲聘問之日。王所使迎賓客於館之訝。

凡訝者賓客至而往詔相其事。而掌其治令。相息亮反。

掌交掌以節與幣巡邦國之諸侯。及其萬民之所聚者。道王之德。

意志慮。使咸知王之好惡。辟行之。

節以爲行信幣以見諸侯也。咸皆也。辟讀如辟忌之辟。使皆知

王之所好者而行之。知王所惡者辟而不爲。好呼報反注下皆同惡音略反注同辟音避注同。

使和諸侯之好。

有欲相與脩好者則為和合之。

達萬民之說。

說所喜也達者達之於王若其國君

說音悅

掌邦國之通事而結其交好。

通事謂朝覲聘問也。

以諭九稅之利九禮之親九牧之維九禁之難九戎之威。

諭告曉也九稅所稅民九職也九禮大儀之禮九牧九州之牧

九禁九瀆之禁九戎九伐之戎

難方且反

掌察。

闕

掌貨賄。

闕

朝大夫掌都家之國治。

周禮

秋官

掌交

掌察

掌貨賄

朝大夫

空

都家王子弟公卿及大夫之采地也主其國治者平理其來文

書於朝者

治直吏反注下同

日朝以聽國事故以告其君長。

國事故天子之事當施於都家者也告其君長使知而行之也

君謂其國君長其卿大夫也

長丁丈反注同

國有政令則令其朝大夫。

使以告其都家之吏。

凡都家之治于國者必因其朝大夫然後聽之唯大事弗因。

謂以小事文書來者朝大夫先平理之乃以告有司焉大事者

非朝大夫所能平理。

凡都家之治有不及者則誅其朝大夫。

不及謂有稽殿之

殿都練反

在軍旅則誅其有司。

有司。都司馬。家司馬。

都則闕

都士闕

家士闕

周禮秋官

甸大夫 都則 都士 家士

奎



16062



